




FONDACIONI "PËRKRAHJE PËR MBROJTJEN JURIDIKE TË HASHIM THAÇIT"
KËRKON NGA SHTETI MBËSHTETJE FINANCIARE SHITESË PËR MBROJTJEN
E LIDERËVE TË UÇK-SË NË HAGË

OPINION

FEJTON | "GEORGE F. KENAN:
MEMOARE 1925 - 1950" (6)
**BASHKIMI SOVJETIK KISHTË
PLANE PËR SHKATËRRIMIN E
PRESTIGJIT DHE FUQISË SË
SHBA-së!** F. 10

Shkruan:
Prof. dr. Agim ZOGAJ



AKTUALE



**HARADINAJ, KURTIT: RINIA, GRATË
DHE MËRGATA S'DO TË JENË MË TË
NËPËRKËMBUR** F. 3

**FILLON DIGJITALIZIMI I PROCESIT
ZGJEDHOR NË KOSOVË, KQZ-ja
PRANON SOFTUER NGA OSBE-ja** F. 7

**QEVERIA KËRKON HEQJEN
E MENJËHERSHME
TË MASAVE TË BE-së** F. 7


EKONOMI



**ABDIXHIKU: MË 9 SHKURT
MARRIN FUND VONESAT
INFRASTRUKTURE, HISTORIA
RRUGORE DO TË KOMPLETOHET
BRENDA NJË MANDATI** F. 8

**BQK-ja: EKONOMIA E KOSOVËS
PRITET TË RRIKET 3.9 PËR QIND
GJATË KËTIJ VITI** F. 8

EKIPI MBROJTËS I THAÇIT, LETËR KONJUFÇËS, KURTIT DHE HAXHIUT: URGJENTE DHE E DOMOSDOSHME MBËSHTETJA FINANCIARE SHITESË



Ekipi mbrojtës i ish-presidentit Hashim Thaçi, nëpërmjet një letre drejtuar kryeparlamentarit Glauk Konjufca, kryeministrit Albin Kurti dhe ministres Albulena Haxhiu, ka kërkuar mbështetje financiare shtesë për mbrojtjen e Thaçit. Bordi i

Fondacionit "Përkrahje për mbrojtjen juridike të Hashim Thaçit" ka bërë me dije se në mungesë të mjeteve financiare, ish-presidentit i është larguar një prej avokatëve kryesorë, "por edhe aktualisht avokati kryesor i angazhuar ka paralajmëruar se do të

mund të largohet në periudhën e ardhshme, respektivisht nga fundi i këtij muaji". Në këtë drejtim, mbrojtja e Thaçit ka vlerësuar se ndarja e mjeteve financiare të kërkuara i shërben drejtësisë dhe mbrojtjes së kauzës së drejtë të luftës së UÇK-së

**VESELIT I LARGOHET AVOKATI KRYESOR, KRITIKOHEN
INSTITUCIONET PËR MOSMBËSHTETJEN E LIDERËVE TË UÇK-së** F. 5

RENOVA
PUTZ
Macedoni
Xhepçisht - Tetovë
Gurëz-Ferizaj
Tel: +389 44 487 300; +389 44 487 009
+389 44 487 755
Fax: +389 44 487 200
Mob: +377 44 501 289
E-mail: renova@mt.net.mk

PRINCESHA
GROUP SH.P.K.
NDËRTIM
PROJEKTIM
SHITJE
INFO: 049-111-101,
044-511-177
www.princesha-ks.com

Bunjamini
FABRIKA E LLAQEVE
STYROKOL · BUNJAKOL · EUROFASADË
044/256-051
044/367-061
028/532-617
MITROVICË

Kolegji BIZNESI
www.kolegjiibiznesi.com
info@kolegjiibiznesi.com
030 500 878 | 045 500 878
044 500 878 | 049 500 878

SIGMA
VIENNA INSURANCE GROUP
SIGMA INTERALBANIAN VIENNA INSURANCE GROUP SH.A
DEGA KOSOVË
Rruga "Pashko Vasa", p.n Prishtinë, Kosovë,
Tel: +381 (0)38 246 301 Fax: +381 (0)38 246 302,
E-mail: info@sigma-ks.net | www.sigma-ks.net

INFINITY
Digital Agency
Endrit Shaqiri
+38344685122
Internet Website,
Marketing...

Macroni do ta vizitojë Serbinë në fund të gushtit

BEOGRAD, 22 GUSHT - Presidenti i Francës, Emmanuel Macron, do të realizojë një vizitë zyrtare në Serbi më 29 dhe 30 gusht, kështu është thënë në një njoftim të publikuar në uebfaqen e presidentit serb Aleksandër Vuçiq.

Vizita e Macronit në Beograd do të realizohet më pak se pesë muaj pasi ai e priti në Paris homologun e tij serb, Vuçiq.

Kjo do të jetë vizita e dytë e presidentit francez në Serbi në pesë vitet e fundit, teksa dy shtetet po forcojnë raportet e tyre, veçmas në fushën e ekonomisë.

Gjatë pjesëmarrjes në ceremoninë hapëse të Lojërave Olimpikë Verore, që është mbajtur në Paris, Vuçiqi muajin e kaluar ka thënë se vizita e



Macronit në Serbi pritet të realizohet në fillim të shtatorit. Të dy burrështetasit në deklaratat e tyre publike kanë sugjeruar se një prej temave të takimit do të jetë

blerja nga Serbia e avionëve luftarakë francezë, “Rafale”.

Në shkurt të vitit 2023 Vuçiqi u ka thënë gazetarëve se blerja e avionëve Rafale do të jetë blerja

më e madhe nga buxheti i ushtrisë serbe, “në vlerë prej 3 miliardë eurosh”.

Çështjet ushtarake do të jenë pjesë e bisedimeve, ka konfirmuar Macroni në një konferencë për medie më 18 korrik gjatë Samitit të Komunitetit Politik Evropian, që u mbajt në Mbretërinë e Bashkuar.

I pyetur për statusin e kontratës për shitjen e avionëve francezë te Serbia, Macroni ka thënë se ai do ta vizitojë Serbinë në javët apo muajt në vijim “për t’i finalizuar negociatat që janë subjekt i negociatave teknike, financiare dhe politike mes dy shteteve”.

Një tjetër çështje për të cilën Macroni dhe Vuçiqi do të bisedojnë do të jetë edhe

Kosova. Gjatë një bisede telefonike të realizuar në mesin e qershorit, Vuçiqi i ka thënë Macronit se është e rëndësishme që çështja e zgjidhjes të mosmarrëveshjeve me Kosovën të mbetet lart në agjendën e Bashkimit Evropian, teksa i kërkoi mbështetje udhëheqësit francez për këtë çështje.

Të dyja shtetet i kanë përshkruar raportet mes tyre si “të forta dhe miqësore” dhe vitin e kaluar takimet e nivelit të lartë u shtuan. Përveç vizitës së Vuçiqit në Pallatin Elize në prill, presidenti serb është takuar me Macronin edhe në forume ndërkombëtare, por edhe gjatë ceremonisë hapëse të Lojërave Olimpikë.

ShBA-ja dërgon aeroplanmbajtësen e dytë në Lindjen e Mesme

UASHINGTON, 22 GUSHT - Grupi sulmues i aeroplanmbajtëses “USS Abraham Lincoln” ka mbërritur në Lindjen e Mesme, duke iu bashkuar transportuesit “USS Theodore Roosevelt”, i cili është vendosur në rajon prej disa kohësh.

Sipas komandës qendrore të ShBA-së, “USS AbrahamLincoln” mban avionë luftarakë “F-35” e “F-18” dhe është e shoqëruar nga një skuadron shkatërruesish.

Pentagoni ka dërguar grupin transportues në rajon në fillim të këtij muaji pas vrasjes së shefit të byrosë politike të Hamasit, Ismail Haniyeh në Teheran dhe operativit të lartë të Hezbollahut, Fuad Shukr në Bejrut.

Izraeli ka marrë përgjegjësinë për

sulmin që vrau Shukr, por as nuk e ka konfirmuar dhe as mohuar përfshirjen në vdekjen e Haniyeh. Teherani, megjithatë, ka kërcënuar Izraelin me “ndëshkim të ashpër”, ndërsa shteti hebre po përgatitet për sulme ndërkufitare. “Koha është në favorin tonë dhe periudha e pritjes për këtë përgjigje mund të jetë e gjatë”, ka thënë Alimohammad Naini, zëdhënës i Korpusit të Gardës Revolucionare Islamike.

Forcat e Mbrojtjes të Izraelit, nga ana tjetër, kanë kërcënuar me më shumë sulme ushtarake kundër Hezbollahut në Liban, duke shkaktuar frikën e një pushtimi të plotë, ndaj prania e luftaniëve amerikane pasqyron frikën e një përshkallëzimi në Lindjen e



Mesme.

ShBA-ja dhe Izraeli janë të shqetësuar se Irani mund të

kryejë një sulm të kombinuar ndaj shtetit hebre, duke punuar së bashku me grupe të ndryshme

pro-palestineze, duke përfshirë Hezbollahun dhe rebelët Houthi të Jemenit.

Presidenti çek: Ka disa opsione për t’i dhënë fund luftës në Ukrainë



PRAGË, 22 GUSHT - Presidenti i Republikës Çeke, Petr Pavel, ka thënë se lufta në Ukrainë do të vazhdojë derisa të ketë forcë të mjaftueshme për t’i bindur të dyja palët për pamundësinë e arritjes së qëllimeve politike përmes mjeteve ushtarake dhe se ka disa opsione për t’i dhënë fund konfliktit të Rusisë kundër Ukrainës.

“Kjo mund të ndodhë këtë vit, por mund të ndodhë vitin e

ardhshëm, ose ndoshta pas shumë vitesh”, ka thënë Pavel në podkastin “PoliTalk”.

Në të njëjtën kohë ai nuk ka përjashtuar mundësinë që konflikti të kalojë nga një fazë e nxehtë në një fazë të ngrirë, e cila, siç ka thënë ai, “mund të zgjasë me vite”.

“Besoj se në pak vite të dyja palët do të kuptojnë se është e pamundur të shkohet më tej dhe negociatat do të zhvillohen. Jo vetëm Shtetet e

Bashkuara të Amerikës, por edhe Kina, duhet të japin një kontribut të rëndësishëm për këtë dhe t’i inkurajojnë të dyja vendet drejt negociatave diplomatike”, ka thënë lideri çek.

Pavel ka vlerësuar se edhe pse Bashkimi Evropian është një fuqi e madhe ekonomike dhe politike, nevojitet një qasje e unifikuar që të përfshijë ShBA-në dhe të gjitha vendet demokratike të botës.

Ukraina: Rusia ka humbur mbi 600 mijë trupa që nga fillimi i luftës

KIEV, 22 GUSHT - Ukraina ka thënë se Rusia tani ka humbur më shumë se 600 mijë trupa që nga

fillimi i pushtimit të saj në shkallë të plotë. Në një përditësim nga shtabi i përgjithshëm i

Forcave të Armatosura të Ukrainës, bilanci përfshin 604 mijë e 140 personel, mbi 600

helikopterë dhe avionë, mbi 16 mijë automjete të blinduara dhe mbi 8 500 tanke.



Haradinaj, Kurtit: Rinia, gratë dhe mërgata s'do të jenë më të nëpërkëmbur

PRISHTINË, 22 GUSHT (ER) - Lideri i Aleancës për Ardhmërinë e Kosovës (AAK), Ramush Haradinaj, ka kritikuar kryeministri Albin Kurti i cili ka thënë se fitoren e 14 shkurtit ia kanë dhënë rinia, gratë dhe diaspora. Haradinaj ka thënë se me qeverisjen katërvjeçare të Vetëvendosjes të gjitha këto grupe janë zhgënjyer.

“Mashtrimi s'kalon. Nuk ka tallje më të madhe sesa të thuash se fitoren ma kanë dhënë rinia, gratë dhe diaspora e të llogaritësh prapë në mbështetjen e tyre. Të rinisë e cila kurrë nuk ka qenë në gjendje më të pashpresë. Të rinisë e cila në përmasa të frikshme po e braktis vendin. Të rinisë e cila as nuk ka punë, as të hyra, as arsim cilësor e as

shpresë se kjo qeveri e ky kryeministër, mund ta ndryshojnë gjendjen për ta. Nuk ka fyerje më të madhe sesa të thuash e kemi mbështetjen e grave, kur pozita e gruas e përfshirja e saj në jetën publike është pothuaj e papërfillshme. Ku dhuna ndaj grave, edhe si rezultat i një depresioni kolektiv të shkaktuar nga kjo qeveri, po merr përmasa

shqetësuese”, ka shkruar Haradinaj në “Facebook”. Ai ka thënë se kjo gjendje do të ndryshojë pas 9 shkurtit të vitit 2025. “Të diasporës që i janë mbyllur të gjitha dyert për të investuar, për të kontribuar e për t'u bërë pjesë e vendimmarrjes në vendin e tyre. Dhe do të ndryshojë kjo gjendje. Rinia, gratë e mërgata nuk do të jenë kategori të



nëpërkëmbura, por do t'i rikthejmë në vendin që u takon”, ka shkruar Haradinaj.

Shefi i CIA-s viziton Kosovën

PRISHTINË, 22 GUSHT - Shefi i Agjencisë Qendrore amerikane të Inteligjencës (CIA), William Burns, ka qëndruar të enjten për një vizitë në Kosovë.

Burns është takuar me presidenten e Kosovës, Vjosa Osmani, në kryeqytet. Në takim ishte i pranishëm edhe drejtori i Agjencisë së Kosovës për Inteligjencë (AKI), Petrit Ajeti, merr vesh “Radio Evropa e Lirë”. Askush nga palët nuk është deklaruar rreth këtij takimi deri tani. Vizita e tij në Kosovë vjen pasi zyrtari i lartë i inteligjencës amerikane qëndroi në Bosnjë-Hercegovinë dhe Serbi.

Paraprakisht, Ambasada Amerikane në Prishtinë nuk ka konfirmuar vizitën e Burnsit në Kosovë. “Radio Evropa e Lirë” nuk ka marrë konfirmim as nga Presidenca e Kosovës, as nga Ministria e Punëve të Brendshme.

Por, avioni i ushtrisë amerikane, me të cilin besohet se ka udhëtuar shefi i CIA-s në rajon, ishte parë mesditën e së enjtes në Aeroportin Ndërkombëtar të Prishtinës “Adem Jashari”. Aeroplani i ushtrisë amerikane ishte ndalur para zonës “VIP” të aeroportit.

Me këtë avion besohet se Burns ka udhëtuar nga Sarajeva në Beograd, ndërsa ky aeroplan ka udhëtuar nga Beogradi drejt Bullgarisë, Maqedonisë së Veriut dhe në fund Kosovës, sipas uebfaqes për gjurmimin e fluturimeve, “Flightradar”.

Në Bosnjë-Hercegovinë më 20 gusht, Burns është takuar me homologët e tij nga sektori i inteligjencës, me anëtarët e Presidencës së këtij shteti dhe me ministrin e Jashtëm të Bosnjës.

Sic ka thënë për “REL”-in një



zyrtar i qeverisë amerikane, i cili ka folur në kushte anonimiteti, arsyen e vizitës së shefit të CIA-s në Sarajevë, ndër të tjera, ishte edhe për shkak të retorikës dhe veprimeve shqetësuese separatiste të presidentit prorus të entitetit të Republikës Sërpska, Millorad Dodik dhe qeverisë së këtij entiteti.

Ndërkaq, më 21 gusht ka shkuar në Beograd, por kjo vizitë nuk është konfirmuar dhe as mohuar nga zyrtarët në Serbi dhe Shtetet e Bashkuara.

Vizita e Burnsit në rajon vjen në kohën kur ambasadori amerikan në Kosovë, Jeffrey Hovenier, ka

thënë se shteti i tij është sfiduar në disa aspekte nga Qeveria e Kosovës, e udhëhequr nga Albin Kurti.

ShBA-ja dhe shtete të tjera të bashkësisë ndërkombëtare kanë kritikuar disa vendime dhe veprime të ndërmarra së fundi nga qeveria e Kurtit, që janë konsideruar “të njëanshme” dhe “të pakoordinuara”.

Departamenti Amerikan i Shtetit i ka kërkuar qeverisë Kurti që të rikthehet në “angazhim konstruktiv dhe të ngushtë” me Uashingtonin, Bashkimin Evropian dhe NATO-n, teksa Uashingtoni, po ashtu, po

kërkon që institucionet e Kosovës të mos e hapin për qarkullim urën mbi lumin Ibër, duke u thirrur në shqetësime të sigurisë.

Vizita e shefit të CIA-s në rajonin e Ballkanit Perëndimor, për ish-komandantin e Forcave të Sigurisë së Kosovës, Kadri Kastrati, mund të jetë për shkak se “Rusia po bën një luftë hibride në Ballkanin Perëndimor”.

“Rreziku më i madh i konfliktit është në Bosnjë-Hercegovinë, përmes Republikës Sërpska, dhe në veri të Kosovës. Vizita e zyrtarëve të lartë në këtë rajon tregon se ata kanë informacione

të mjaftueshme për përpjekjet ruse - përmes satelitit të saj, Serbisë - se kjo pjesë e Evropës është në rrezik të një konflikti të mundshëm... dhe është e sigurt që kanë ardhur këtu për t'i dhënë rekomandimet e tyre”, ka thënë Kastrati.

Burnsi është ish-ambasador i ShBA-së në Rusi. Ai është një figurë qendrore në administratën e presidentit amerikan Joe Biden pasi ai është edhe anëtar i kabinetit presidencial të Shtëpisë së Bardhë. Ai është emëruar nga presidenti Biden në postin e drejtorit të CIA-s në janar të vitit 2021.

Qeveria kërkon heqjen e menjëhershme të masave të BE-së

PRISHTINË, 22 GUSHT - Qeveria e Kosovës ka vlerësuar se mbajtja në fuqi e masave ndëshkuese të Bashkimit Evropian (BE) ndaj Kosovës me gjithë rekomandimin pozitiv të përfaqësuesit të lartë të BE-së, Josep Borrell, është e pakuptimtë.

Këshilltari i zëvendëskryeministrit Besnik Bislimi, Klisman Kadiu, ka thënë se masat duhet të hiqen

menjëherë dhe në mënyrë të plotë. “Masat kanë qenë të padrejta prej ditës së parë. Mbajtja ende në fuqi e këtyre masave përkundër rekomandimit pozitiv nga përfaqësuesi i lartë i BE-së, z. Josep Borrell, tashmë është e pakuptimtë. Ishte vetë letra e Borrellit më 3 qershor 2023 ajo që vendosi kushtet për vendosjen e masave ndaj Kosovës, që pasoi me

marrëveshjen e Bratisllavës, dhe vetë përfaqësuesi i lartë Borrell, i cili i ka propozuar fillimisht ato, ka më shumë se një muaj që ka konstatuar se të gjitha kushtet janë përmbushur dhe masat duhet të hiqen. Meqë është konstatuar përmbushja e kushteve nuk ka nevojë as për heqje graduale, e hiç më pak për mbajtjen e tyre, por duhet largimi i plotë dhe i njëhershëm i masave”, ka thënë

Kadiu për “RTV21”.

Ditë më parë zëdhënësi i BE-së, Peter Stano, ka thënë se diskutimet e shteteve anëtare të BE-së në Këshill për raportin e përfaqësuesit të lartë, për përmbushjen e kërkesave të BE-së nga Kosova janë duke vazhduar, teksa u ka bërë thirrje autoriteteve të Kosovës të përmbahen nga hapat e njëanshëm dhe të pakoordinuar.



Masat ndaj Kosovës janë vënë pas tensioneve në pjesën veriore të Kosovës në kohën kur kryetarët e zgjedhur shqiptarë në katër komunat në veri u dërguan me mbështetjen e Policisë së Kosovës në zyrat e tyre.



FONDACIONI “PËRKRAHJE PËR MBROJTJEN JURIDIKE TË HASHIM THAÇIT” KËRKON NGA SHTETI MBËSHTETJE FINANCIARE SHITESË PËR MBROJTJEN E LIDERËVE TË UÇK-SË NË HAGË

Ekipi mbrojtës i Thaçit, letër Konjufcës, Kurtit dhe Haxhiut: Urgjente dhe e domosdoshme mbështetja financiare shitesë


Ekipi mbrojtës i ish-presidentit Hashim Thaçi, nëpërmjet një letre drejtuar kryeparlamentarit Glauk Konjufca, kryeministrit Albin Kurti dhe ministres Albulena Haxhiu, ka kërkuar mbështetje financiare shitesë për mbrojtjen e Thaçit. Bordi i Fondacionit “Përkrahje për mbrojtjen juridike të Hashim Thaçit” ka bërë me dije se në mungesë të mjeteve financiare, ish-presidentit i është larguar një prej avokatëve kryesorë, “por edhe aktualisht avokati kryesor i angazhuar ka paralajmëruar se do të mund të largohet në periudhën e ardhshme, respektivisht nga fundi i këtij muaji”. Në këtë drejtim, mbrojtja e Thaçit ka vlerësuar se ndarja e mjeteve financiare të kërkuara i shërben drejtësisë dhe mbrojtjes së kauzës së drejtë të luftës së UÇK-së

në zëvendësimin e tij me një avokat tjetër, të cilit do t’i duhej kohë e konsiderueshme për t’u njohur me rrethanat e rastit dhe procedurën gjyqësore katërvjeçare që është duke u zhvilluar. Prandaj, si fondacion, të gjendur në rrethana të pamundësisë për t’i ofruar mbështetje financiare për nevojat financiare ekipit mbrojtës të z. Thaçi, e vlerësojmë urgjente dhe të domosdoshme një mbështetje financiare shitesë, në mënyrë që të sigurohet vijimi i

mbrojtjes efektive për ish-presidentin Thaçi në procesin gjyqësor ndaj tij. Nga ana tjetër, fondacioni, përkundër se është themeluar pikërisht për të ofruar një burim alternativ të mbështetjes financiare me qëllim të lehtësimit të barrës financiare të buxhetit publik përkitazi me këtë proces, nuk ka arritur të sigurojë fonde të mjaftueshme të cilat do të bënin të panevojshëm dhe të pa objekt këtë kërkesë”, është thënë në kërkesën e

Fondacionit “Përkrahje për mbrojtjen juridike të Hashim Thaçit”. Fondacioni për ish-presidentin Hashim Thaçi ka vlerësuar se përmes mbështetjes financiare shitesë nga institucionet kompetente të Republikës së Kosovës do të mundësohet edhe qasja efektive në drejtësi, respektivisht në garancitë që derivojnë prej saj, të cilat përfshijnë, por nuk kufizohen edhe në të drejtën për t’u mbrojtur nga mbrojtës të zgjedhur me vullnet të lirë, pa iu nënshtruar asnjë kufizimi. Po ashtu, sipas këtij fondacioni, kjo do të mundësonte edhe realizimin efektiv të të drejtës për një proces të rregullt (nga neni 6 i Konventës Evropiane të të Drejtave të Njeriut dhe neni 31 i Kushtetutës), element konstituiv i së cilës është edhe zbatimi i parimit të “barazisë së armëve”, që nënkupton vënien në ekuilibër të drejtë të palëve në procedurë.

“Pamundësia financiare për ta mbrojtur në mënyrë efikase çështjen para Dhomave të Specializuara, jo vetëm për ish-presidentin Thaçi, por edhe cilindo person të akuzuar, e vendos në pozitë të pabarabartë në raport me Zyrën e Prokurorit të Specializuar, e cila ka buxhet pakrahasimisht më të madh për kryerjen e funksioneve të saj. Duke marrë për bazë edhe natyrën e akuzave me të cilat përballen ish-krerët e UÇK-së, përfshirë z. Thaçi, pa paragjykuar procesin gjyqësor i cili është duke u zhvilluar aktualisht, përtej çdo dyshimi, sipas Fondacionit ‘Përkrahje për mbrojtjen juridike të

EPOKA
ERE

Lirim GECI

PRISHINË, 22 GUSHT - Një kërkesë zyrtare për rritjen e fondeve për nevojat e mbrojtjes juridike të krerëve të UÇK-së, kryeparlamentarit Glauk Konjufca, kryeministrit Albin Kurti dhe ministres Albulena Haxhiu, iu ka shkruar më 12 gusht 2024 nga Fondacioni “Përkrahje për mbrojtjen juridike të Hashim Thaçit”. Bordi i këtij fondacioni përmes kësaj letre u ka shkruar krerëve të institucioneve se “vendosja e kufizimeve të shpenzimeve për qëllime të mbrojtjes juridike që është bërë përmes Udhëzimit administrativ MD-nr. 01/2024 për plotësimin dhe ndryshimin e Udhëzimit Administrativ MD - nr. 08/2022 për

mbrojtjen juridike të personave të akuzuar potencialë për krimet e pretenduara në proceset gjyqësore nga Dhomat e Specializuara, ekipin mbrojtës të ish-presidentit Thaçi e ka vënë në situatë të pamundësisë objektive për ta kryer funksionin e tij”, është në kërkesën e Fondacionit “Përkrahje për mbrojtjen juridike të Hashim Thaçit”. Në mungesë të mjeteve financiare, fondacioni ka treguar se i është larguar një prej avokatëve kryesorë, “por edhe aktualisht avokati kryesor i angazhuar ka paralajmëruar se do të mund të largohet në periudhën e ardhshme, respektivisht nga fundi i këtij muaji”. “Në këtë mënyrë kjo do të kishte për pasojë jo vetëm penalizimin e ekipit mbrojtës të z. Thaçi, por do ta pezullonte apo shtynte vetë procesin gjyqësor edhe për së paku gjashtë muaj shtesë, deri

Jasharaj: Viti i ri shkollor mund të fillojë me vështirësi

PRISHTINË, 22 GUSHT - Kryetari i Sindikatës së Bashkuar të Arsimit, Shkencës dhe Kulturës (SBASHK), Rrahman Jasharaj, ka thënë se viti i ri shkollor mund të fillojë me probleme. Ai ka thënë se në shtator do të takohen për të vendosur për kërkesat e tyre të cilat, sipas tij, Ministria e Arsimit nuk u ka kthyer as përgjigje. “Ne kemi alarmuar me kohë dhe kemi thënë se duke bashkëbiseduar me punëtorët e arsimit, me

anëtarët e SBASHK-ut, ka pakënaqësi të mëdha. Kërkesat u bënë publike edhe më 1 maj, të cilat qeveria nuk i ka analizuar dhe nuk kemi ndonjë përgjigje pozitive prej saj. Sa i takon SBASHK-ut, viti i ri shkollor do të fillojë, besoj kam frikë me telashe, për shkak të teksteve, pastaj ne gjatë shtatorit do ta kemi takimin e Këshillit Drejtues, që është organi më i lartë mes dy kongreseve dhe ata janë

përfaqësues, të gjithë të punësuar në arsim, që nga çerdhet deri në universitet. Ata do t'i sjellin mendimet e bazës të anëtarësisë dhe cilitdo qoftë vendimi i Këshillit Drejtues, ne si staf, si kryesi e SBASHK-ut, do ta respektojmë” ka thënë Rrahmani për “Zërin”. Ai e ka kritikuar MASHTI-në për mënyrën e shpërndarjes së librave, duke thënë se është duke e bërë gabimin e njëjtë.



Nis ndërtimi i shkollës së re në lagjen “Mati 1”

PRISHTINË, 22 GUSHT - Kryetari i Prishtinës, Përparim Rama, bashkë me drejtoreshën e Arsimit në këtë komunë, Jehona Lushaku-Sadriu kanë vënë gurthemelin e objektit të shkollës fillore të mesme të ulët në lagjen “Mati 1”. Kjo shkollë parashihet që të ketë kapacitet për pranimin e mbi 700 nxënësve me një hapësirë prej 4 mijë e 800 metra katror, e cila pritet të funksionalizohet në korrik të vitit 2025. Më këtë rast, Rama ka bërë me dije se kostoja e ndërtimit të tri shkollave, përfshirë atë në “Sofali” që do të fillojë javën e ardhshme dhe ajo në lagjen “Qëndresa” është mbi 15 milionë euro.

“4 mijë e 800 metra katror është e madhe shkolla. Investimi, ne veçse e kemi nënshkruar kontratën për një vit e gjysmë dhe është partneritet publiko-privat. I gjithë investimi është prej sektorit privat, ndërsa në momentin kur edhe shkolla përfundon dhe bëhet funksionalizohet, ne fillojmë të paguajmë mirëmbajtjen”, ka thënë Rama. Ndërsa drejtoresha e Arsimit në Komunën e Prishtinës, Jehona Lushaku-Sadriu, ka thënë se kjo shkollë i përmbush të gjitha standardet evropiane për nga ndërtimi dhe dizajni për mësim tërëditor. “Kjo shkollë i përmbush të gjitha standardet evropiane dhe për

nga nderti mi, dizajni për mësim tërëditor. Të jetë një shkollë për klasat e para deri në të pestat. Për shkak se do t'i shkarkojë shkollat e kryeqytetit ‘Ismail Qemali’ dhe ‘Pavarësia’, në ndërkohë që do ta kemi edhe një shkollë në Mat që do të mund ishte gjashtë deri nëntë dhe si lagje do të kompletohej me shkollë fillore dhe të mesme të ulët”, ka thënë Lushaku-Sadriu. Përveç kësaj, Lushaku e ka quajtur të paaftë Ministrinë e Arsimit për mosfurnizimin e nxënësve me libra shkollor. Ajo ka thënë se në librari nuk ka libra të botuara për nxënësit, sepse nuk kanë qenë të informuara me kohë.



Policia sekuestron kokainë dhe heroinë në vlerë mbi 153 mijë euro



PRISHTINË, 22 GUSHT (ER) - Policia e Kosovës ka njoftuar se ka arrestuar dy persona të dyshuar si dhe ka sekuestruar substanca narkotike të llojit heroinë dhe kokainë. Në rastin e parë policia ka identifikuar një shtetas të Maqedonisë së Veriut, i cili dyshohej se kishte në posedim të gatshëm për shitje një sasi të substancës së dyshuar narkotike të llojit heroinë. “Të dyshuarit të lartcekur me veturë substancën e dyshuar narkotike ia kanë sjellë dy persona të tjerë, të cilët janë larguar me veturë nga vendi i ngjarjes”, ka njoftuar policia. Sipas këtij njoftimi, pas ndërhyrjes së Policisë së Kosovës te personi i dyshuar janë gjetur 6 paketime me substancë të dyshuar

narkotike të llojit heroinë me peshë të përgjithshme prej 6.137.6 gramë (6 kilogramë e 137 gramë). Vlera e substancës së dyshuar narkotike e cila është konfiskuar vlerësohet të jetë rreth 150 mijë euro. Lidhur me rastin, në cilësi të provave materiale, policia ka sekuestruar si prova materiale dy telefon celularë, një veturë dhe 4 305 denarë të Maqedonisë së Veriut. “Personi i dyshuar është shoqëruar për intervistim në prezencë të avokatit mbrojtës dhe me vendim të prokurorit të shtetit i dyshuari ndalohet për 48 orë, kurse dy personat e tjerë janë në kërkim policor”, ka njoftuar policia. Në rastin e dytë, Policia e Kosovës

në Ferizaj ka ndaluar për kontroll veturën me targa të huaja, ku gjatë kontrollit të veturës është gjetur një pako e cigareve, në brendi të së cilës ka qenë një qese najloni me substancë të dyshuar e llojit kokainë. “Në cilësi të provave materiale janë sekuestruar: një qese najloni me substancë të dyshuar narkotike të llojit kokainë, me peshë të përgjithshme 38.62 gramë, vlera e substancës së dyshuar narkotike vlerësohet të jetë rreth 3 500 euro, para në monedhë letre 50 euro dhe 1 500 kruna suedeze. Lidhur me rastin, për të gjitha veprimet është njoftuar prokurori kompetent, me urdhër të të cilit, i dyshuari, pas intervistimit, ndalohet për 48 orë”, ka njoftuar policia.

Naser Ramadani jep dorëheqje nga pozita e drejtorit të IKShPK-së

PRISHTINË, 22 GUSHT - Ministria e Shëndetësisë (MSh) ka konfirmuar dorëheqjen e drejtorit ekzekutiv të Institutit Kombëtar të Shëndetësisë Publike të Kosovës (IKShPK), Naser Ramadani. Nëpërmjet një përgjigje, Ministria e Shëndetësisë (MSh) ka njoftuar se dorëheqjen e Ramadani e ka pranuar më 14 gusht të këtij

viti. Po ashtu, MSh-ja ka bërë me dije se ushtruese detyre e shëfës së këtij institucioni shëndetësor është caktuar Ardita Baraku. “Ju njoftojmë se më 14.08.2024 ministri i Shëndetësisë ka pranuar dorëheqjen e dr. Naser Ramadani nga pozita e drejtorit ekzekutiv të IKShPK-së. Me vendim të ministrit të

Shëndetësisë, ushtrues detyre i drejtorit ekzekutiv të IKShPK-së është caktuar dr. Ardita Baraku, specialiste e Shëndetësisë Publike në Departamentin e Mjekësisë Sociale në IKShPK”, ka njoftuar MSh-ja. Kujtojmë se Naser Ramadani e ka ushtruar detyrën e drejtorit të IKShPK-së për rreth 12 vjet.



Maqedonci dhe Jashari nderojnë Gecin me medaljen për shërbim të shquar

PRISHTINË, 22 GUSHT - Ministri i Mbrojtjes, Ejup Maqedonci, së bashku me komandantin e FSK-së, gjenerallejtnant Bashkim Jashari, me rastin e pensionimit të Sejdi Gecit, shef i sektorit për bashkëpunim civilo-ushtarak, në pritjen e

organizuar për këtë rast, për performancën e lartë, përkushtimin dhe kontributin e tij të dalluar në zhvillimin e kapaciteteve të Ministrisë së Mbrojtjes, ia kanë ndarë medaljen për "Shërbim të Shquar". Duke i dëshiruar pensionim të qetë, shëndet e të mira në

jetë, ministri Maqedonci ka shprehur mirënjohje për angazhimin e tij të pakursyer dhe të pandërprerë në rritjen e bashkëpunimit civilo-ushtarak, që ka qenë kontribut i drejtpërdrejtë në rritjen e besueshmërisë nga qytetarët për FSK-në dhe Ministrinë e Mbrojtjes.



Fillon digjitalizimi i procesit zgjedhor në Kosovë, KQZ-ja pranon softuer nga OSBE-ja



PRISHTINË, 22 GUSHT - Komisioni Qendror i Zgjedhjeve (KQZ) ka pranuar nga misioni i OSBE-së në Kosovë softuerin i cili do t'i digjitalizojë disa nga operacionet zgjedhore.

Ky softuer do t'ua mundësojë votuesve në çdo kohë, jo vetëm gjatë zgjedhjeve, ndërrimin e Qendrës së Votimit brenda komunës. Po ashtu, përmes këtij softueri votuesit me nevojë të veçanta do të mund të regjistrohen nga shtëpia dhe në ditën e zgjedhjeve, KQZ-ja do ta dërgojë ekipin mobil për t'ua mundësuar pjesëmarrjen në zgjedhje. Ndërsa për votuesit jashtë vendit, platforma elektronike do ta mundësojë aplikimin për regjistrimin e tyre. Me këtë rast, kryesuesi i KQZ-së, Kreshnik Radoniqi, ka thënë se pranimi i këtij softueri vë në pah përkushtimin për avancimin e procesit zgjedhor. Ai ka theksuar se Kosova ka një traditë që çmohet edhe nga misionet ndërkombëtare të vëzhgimit të zgjedhjeve dhe ka shprehur besimin se KQZ-ja do të

arrijë t'i kryejë detyrat e veta sërish. Sipas Radoniqit, Ligji i ri për Zgjedhjet e Përgjithshme ka bërë shumë ndryshime në procesin zgjedhor brenda dhe jashtë vendit dhe zbatimi i tij do të jetë sfidues. "Me Ligjin e ri për Zgjedhjet e Përgjithshme procesi zgjedhor si brenda, por edhe jashtë vendit ka pësuar ndryshime thelbësore dhe sigurisht se zbatimi i tij do të jetë sfidues në zgjedhjet e datës 9 shkurt 2025, por shpreh gatishmërinë e KQZ-së për t'i përmbushur detyrat që dalin para nesh. Besoj se përvoja ndër vite e KQZ-së dhe suksesi në të kaluarën do të jenë motive për të gjithë ne që me sukses ta realizojmë misionin tonë për organizim të zgjedhjeve me standarde të larta ndërkombëtare, duke siguruar shprehjen e vullnetit të lirë të qytetarëve me të drejtë vote të Republikës së Kosovës. Organizimi i zgjedhjeve është një ndër proceset më të mëdha dhe gjithëpërfshirës për një shtet. Kosova tashmë ka një traditë që çmohet edhe nga misionet ndërkombëtare të

vëzhgimit të zgjedhjeve. Ky nuk është vetëm një tregues për punën e KQZ-së, por një imazh i shtetit tonë të ri në arenën ndërkombëtare. Kosova duhet të vazhdojë t'i tregojë botës shembullin e mirë në organizimin e zgjedhjeve", ka thënë Radoniqi, duke shtuar se KQZ-ja është duke bërë hapa të rëndësishëm për digjitalizimin e operacioneve zgjedhore. "Softueri i KQZ-së, i cili është zhvilluar me mbështetjen e OSBE-së në Kosovë, ka për qëllim t'i avancojë shërbimet e institucionit për votuesit, subjektet politike dhe vëzhguesit e zgjedhjeve. Shpreh mirënjohje për OSBE-në dhe ambasadorin Davenport për ndihmën që pa dyshim do ta avancojë procesin zgjedhor në Kosovë", ka thënë ai. Ndërsa shefi i misionit të OSBE-së në Kosovë, Michael Davenport, i cili ka bërë dorëzimin e softuerit, ka thënë se zgjedhjet e lira janë themel i demokracisë. Ai ka thënë se ky softuer do të jetë një arsye më shumë që votuesit të besojnë në procesin demokratik.

Ai ka thënë se ky softuer është një hap përpara për efikasitetin, transparencën dhe integritetin e procesit zgjedhor. "Misioni i OSBE-së vazhdon ta mbështesë KQZ-në, siç ka bërë për shumë vjet, veçanërisht tani kur KQZ-ja po ecën përpara me digjitalizimin e procesit. Jemi këtu që ta dorëzojmë softuerin për Qendrën e Numërimit të Votave dhe Rezultateve, softuer ky që është zhvilluar me ndihmën e OSBE-së në Kosovë. Dorëzimi i softuerit sot prezanton kulminacionin e bashkëpunimit tonë. Kemi punuar pa lodhje për këtë softuer vitin e kaluar, që ky softuer t'i përmbushë kërkesat komplekse. Ky softuer është një hap përpara për efikasitetin, transparencën dhe integritetin e procesit zgjedhor. Koha është esenciale sepse softueri vjen pikërisht para kohës së zgjedhjeve", ka thënë Davenport. Gjatë prezantimit të softuerit, zëdhënësi i KQZ-së, Valmir Elezi, ka treguar se me anë të këtij softueri do të bëhet e mundur që "në çdo

kohë, jo vetëm gjatë zgjedhjeve, por edhe në periudha jozgjedhore, do të bëhet i mundur ndërrimi i qendrës së votimit brenda komunës dhe caktimi i saj sa më afër vendbanimit". Gjithashtu, Elezi ka treguar se përmes digjitalizimit po lehtësohet edhe procesi i regjistrimit të votuesve jashtë Kosovës apo edhe regjistrimi i vëzhguesve. "KQZ-ja do të vazhdojë të prezantojë gjatë ditës së zgjedhjeve të dhënat për pjesëmarrjen në votime, duke shfaqur edhe të dhëna për pjesëmarrjes sipas grupmoshave dhe sipas gjinisë, ndërsa në mbrëmjen e së dielës së zgjedhjeve do të fillojë publikimin e rezultateve preliminare për subjektet politike. Votat për kandidatët për deputetë do të fillojnë të numërohen nga e hëna pas ditës së votimit në qendrat komunale të numërimit, të cilat kryesisht do të caktohen në palestra sportive dhe rezultati i kandidatëve për deputetë do të publikohet në mënyrë progresive", ka thënë Elezi.

Kapen të padeklaruar 71 kavanoza me mjaltë në Zubin Potok

ZVEÇAN, 22 GUSHT - 71 kavanoza me mjaltë janë gjetur dhe konfiskuar në Zubin Potok nga Policia e Kosovës. Me urdhër të prokurorit, vetura me targa të huaja dhe malli i padeklaruar

janë dërguar në terminalin doganor. "Gjatë patrullimit njësi policor ka ndaluar veturën me targa të huaja të cilin e drejtonte i dyshuari mashkull kosovar, pasi i njëjti kishte kaluar ilegalisht kufirin.

Gjatë kontrollit është vërejtur se në veturë kishte 71 kavanoza me mjaltë. Me urdhër të prokurorit vetura dhe malli janë dërguar në terminalin doganor", ka njoftuar policia.



Abdixhiku: Më 9 shkurt marrin fund vonesat infrastrukturore, historia rrugore do të kompletohet brenda një mandati

PRISHTINË, 22 GUSHT - Kryetari i Lidhjes Demokratike të Kosovës (LDK), Lumir Abdixhiku, ka inspektuar punimet që janë duke u zhvilluar në ndërtimin e rrugës në lagjen Velania. Ai ka thënë se kjo rrugë do t'i eliminojë kolonat e gjata. "Në infrastrukturë, ndonjëherë, del një projekt që duket aq i thjeshtë, dhe është i thjeshtë, por në thelb bën ndryshime të mëdha. I tillë është projekti në Velani. Secili që ka marrë rrugën nga udhëkryqi i Taslixhes për në Velani e të dalë sipër në Breg të Diellit apo Mat është dashur të kalojë nëpër një rrugë nga katër rrugicat e lagjes - mu pranë shtëpive. Kolona të gjata, pasiguri për banorë e vonesa

për secilin tjetër që s'kishte alternativë tjetër. Krenari kishte një ide. Të krijojë një rrugë të re - ngjitur me 'SOS Fshatin' - për t'u lidhur drejt me Mat, Breg të Diellit e përfundimisht Rrugën B, e kështu për ta shmangur nevojën e kalimit nëpër rrugicat e shtëpive. Sa e thjeshtë! Sot vizitova punimet që po zhvillohen aty. Dinamizëm i madh. Entuziazëm mes banorëve. Rrugë e re, dy kahe, me trotuare e ndriçim. Transformim rrënjësor jo vetëm për banorët e Velanisë, por për secilin qytetar që ka kaluar andej. Banorët më thanë se ende nuk po e besojnë se kjo po ndodhte. Për ta kjo ishte një ide sa e bukur aq dhe e pamundur.



U thash të rrinë të qetë", ka shkruar Abdixhiku në "Facebook". Abdixhiku ka lavdëruar punën e drejtorit të Investimeve Kapitale

dhe Menaxhimit të Kontratave në komunën e Prishtinës, Krenar Xhaferi, të cilin e kishte këshilltar sa ishte ministër i Infrastruktursë. "Krenarin e

kisha këshilltar në ministri. Ishte i përpiktë, punëtor i pashoq, mbi të gjitha ishte njeri i mbarë e i drejtë. Kur je i drejtë, puna të shkon mbarë. Atëherë kishim përfunduar rrethrotullimin e Veternikut për 31 ditë. Krenarit i ka shkruar gjithnjë puna mbarë. Nuk kisha asnjë dyshim që nga dita që mori detyrën e drejtorit të Infrastruktursë në kryeqytet", ka shkruar ai.

Më tutje, Abdixhiku ka thënë se më 9 shkurt të vitit 2015 do të marrin fund vonesat infrastrukturore. "Historia rrugore e Kosovës do të kompletohet brenda një mandati të vetëm. Tjetër tempo, tjetër mendësi, tjetër angazhim", ka shkruar kryetari i LDK-së.

Nënshkruhet marrëveshja e bashkëpunimit ndërinstytucional në fushën e statistikave dhe financave

PRISHTINË, 22 GUSHT - Agjencia e Statistikave e Kosovës (ASK) ka nënshkruar të enjten një marrëveshje mirëkuptimi me Bankën Qendrore të Kosovës (BQK) dhe Ministrinë e Financave, Punës dhe Transfereve (MFPT).

Nënshkrimi i kësaj marrëveshje është bërë në ambientet e Agjencisë së Statistikave të Kosovës (ASK-së) nga Avni Kastrati, ushtrues detyre i kryeshefit ekzekutiv të kësaj agjencie, Hekuran Murati, ministër i MFPT-së dhe Ahmet Ismajli, guvernator i BQK-së.

Qëllimi i kësaj marrëveshjeje ndërmjet tri institucioneve përpiluese të statistikave zyrtare në Republikën e Kosovës, Agjencisë së Statistikave të Kosovës (ASK), si prodhuesi kryesor i zyrtar i statistikave në vend, Bankës Qendrore të



Republikës së Kosovës (BQK), si dhe Ministrisë së Financave, Punës dhe Transfereve (MFPT)/Thesari i Kosovës, është bashkëpunim institucional dhe përcakton rolet dhe përgjegjësitë e tri institucioneve nënshkruese në fushën e statistikave

makroekonomike dhe financiare. Kjo marrëveshje është e rregulluar sipas ligjeve kombëtare, duke zbatuar standardet e parashikuara në aktet ligjore të BE-së si dhe programet zyrtare vjetore për sistemin kombëtar statistikor.

Me rastin e nënshkrimit të kësaj marrëveshjeje, Kastrati ka theksuar rëndësinë e këtij bashkëpunimi ndërinstytucional për t'i përmbushur udhëzimet statistikore ndërkombëtare për cilësinë e të dhënave, siç përshkruhen në marrëveshjen e tri institucioneve.

Ndërsa guvernatori i BQK-së, Ahmet Ismajli, ka thënë se "kjo marrëveshje, formalisht e shënon një koordinim ndërinstytucional të të tri institucioneve prodhuese të statistikave për avancimin e sistemit statistikor të Kosovës nga sistemi i përgjithshëm i shpërndarjes së të dhënave (GDDS) në standardin e veçantë të shpërndarjes së të dhënave (SDDS), si një standard më i avancuar, i cili promovon përmirësimin e kualitetit, transparencës dhe disponueshmërisë së

informatave statistikore".

Në anën tjetër, ministri Hekuran Murati ka thënë se "kjo marrëveshjeje është edhe një hap drejt standardizimit dhe krahasimit ndërmjet platformave, si dhe ndërlidhja e këtyre platformave, duke evituar edhe çështjen e privatësisë së të dhënave".

Nënshkrimi i kësaj marrëveshjeje përbën një hap të rëndësishëm për përmbushjen e zotimeve të vendit ndaj rekomandimeve të Fondit Monetar Ndërkombëtar (FMN) për avancimin e mëtejshëm të përpilimit dhe raportimit statistikor, të diskutuara dhe të dakorduara në takimet pranverore të FMN-së në Uashington D. C.

ASK-ja mbetet e përkushtuar për arrijtjen e standardeve më të larta të përpilimit dhe raportimit të të dhënave statistikore.

BQK-ja: Ekonomia e Kosovës pritet të rritet 3.9 për qind gjatë këtij viti

PRISHTINË, 22 GUSHT - Banka Qendrore e Republikës së Kosovës (BQK) ka njoftuar se parashikimet sugjerojnë se ekonomia e Kosovës pritet të rritet më shpejt gjatë vitit 2024, e mbështetur nga rritja e të ardhurave reale të disponueshme, falë uljes së inflacionit dhe rritjes së burimeve të financimit.

Sipas projeksioneve të BQK-së, ekonomia pritet të rritet 3.9 për qind gjatë vitit 2024. Kjo rritje pritet të mbështetet nga rritja e konsumit, investimeve dhe eksportit të mallrave dhe shërbimeve. "Ndërkohë, importi i mallrave dhe shërbimeve pritet të ketë një ndikim negativ në rritjen e BPV-së", është thënë në raportin e BQK-së për vlerësimin e

tremujorit të parë të ekonomisë.

BQK-ja ka njoftuar se sipas vlerësimeve preliminare të ASK-së, ekonomia e Kosovës ka shënuar rritje prej 5.6-përqindësh në TM1 2024.

"Përshpejtimi i rritjes ekonomike kundrejt periudhës së njëjtë të vitit të kaluar lidhet kryesisht me dinamikën e kërkesës vendore, ndërsa eksportet neto ndikuan negativisht aktivitetin ekonomik si rezultat i rritjes së kërkesës vendore që u shoqërua me rritje të importit, liberalizimit të vizave që ka ndikuar në rritjen e importit të shërbimeve të udhëtimit, dinamikave të çmimeve në tregjet ndërkombëtare dhe kërkesës së dobësuar në Eurozonë", është



thënë në raport.

Rritja ekonomike në TM1 2024, sipas BQK-së, është mbështetur kryesisht nga konsumi dhe

investimet, që kanë kontribuar 9.1 për qind, përkatësisht 1 pikë në përqindje. "Në TM1 2024 konsumi është rritur për 8.9 për

qind, një rritje shumë më e lartë krahasuar me tremujorin e njëjtë të vitit të kaluar. Investimet shënuan rritje për 3.1 për qind kryesisht për shkak të rritjes së investimeve publike dhe kreditimit. Sa i përket tregtisë së jashtme, eksportet neto thelluan deficitin tregtar për 12.7 për qind. Rritja e deficitit tregtar ishte pasojë e rritjes së importit të mallrave dhe shërbimeve për 9.1 për qind (importi i mallrave shënoi rritje për 6.9 për qind, ndërsa importi i shërbimeve shënoi rritje për 30.8 për qind), si dhe rënie të eksportit të mallrave për 1.9 për qind, ndërsa eksporti i shërbimeve shënoi rritje për 14 për qind", është thënë në raportin e BQK-së.

George F. KENAN: MEMOARE 1925-1950 (6)

Bashkimi Sovjetik kishte plane për shkatërrimin e prestigjit dhe fuqisë së ShBA-së

Përfundime praktike nga pozita e politikës amerikane



Shkruan:
Prof. dr. Agim ZOGAJ

Marrë në tërësi, para vetes kemi një forcë politike të bindur me fanatizëm se me ShBA-në nuk mund të ketë një modus vivendi afatgjatë, të përhershëm, se është e dëshirueshme, e preferueshme dhe domosdoshme të thyhet boshti, qëndrueshmëria e shoqërisë sonë, të shkatërrohen mënyra e jonë tradicionale e jetës, të shkatërrohet prestigji, autoriteti ndërkombëtar i vendit tonë, e gjithë kjo pra nëse dëshirohet të sigurohet sundimi, fuqia e Bashkimit Sovjetik.

Kjo forcë politike gëzon të gjitha të drejtat që të shërbehet, t'i ketë në dispozicion energjitë e një ndër popujve më mëdhenj në botë dhe me resurset e territorit më të pasur nacional në botë, ndërkohë që frymëzohet me rrymat e fuqishme dhe të thella të nacionalizmit rus. Krahas kësaj, ajo e ka të zgjeruar me kujdes dhe gjerësisht mekanizmin për kryerjen e ndikimit të vet në vendet e tjera, mekanizëm, ky jashtëzakonisht elastik dhe i ushtruar, i udhëhequr me njerëz të cilët kanë përvojë dhe shkathhtësi në metodat ilegale si askush tjetër në botë. Së fundi, sipas të gjitha gjasave, ajo në reaksionet e veta themelore aspak nuk merr parasysh realitetin. Problemi se si do të ia dalim në fund me këtë fuqi, është gjithsesi detyra më e rëndë para të cilës ndonjëherë është gjetur diplomacia e jonë dhe sigurisht se është sfida më e madhe me të cilën do të duhet të ballafaqohet.

Kjo do të duhej të kishte pika nismëtare për veprim, të gjeneralishtabit tonë politik në situatën e tanishme kritike. Kësaj duhet qasur me themel dhe me kujdes sikur në zgjidhjen e problemeve më të rëndësishme strategjike në luftë, edhe pse është e nevojshme, që në planifikim të qasemi me koncentrim dhe angazhim, përpjekje të njëjta. Këtu, me këtë rast unë nuk mund të përpiqem t'i propozoj të gjitha përgjigjet. Mirëpo dëshiroj të shpreh mendimet e mia, se jemi në gjendje ta zgjidhim këtë problem pa përdorur ndonjë konflikt të përgjithshëm ushtarak. Në lidhje me këtë, përkatësisht si kontribut këtij konfirmimi, vërtetimi, fakti do t'i paraqes disa

pikëpamje të mia të cilat janë të natyrës optimiste:

Rusët tërhiqen vetëm kur hasin në rezistencë

(E para) Fuqia sovjetike, për dallim nga fuqi e Gjermanisë hitleriane, nuk është as skematike as aventuriere. Ajo nuk vepron sipas planit të përcaktuar. Ajo nuk përfshinë, pranon rreziqet e panevojshme. Edhe pse duket e heshtur sa i përket logjikës së arsyes, ajo është shumë e ndjeshme ndaj logjikës së fuqisë. Prandaj, nisur nga kjo ajo fare lehtë tërhiqet - çfarë edhe zakonisht e bënë - kur në cilën do pikë has në rezistencë të fort. Kështu, nëse kundërshtari i saj ka mjaft fuqi, forcë dhe e dëshmon qartë gatishmërinë e vet që ta përdor atë, atëherë rrallëherë do të jetë i detyruar për këtë. Nëse veprohet drejt në situatat e caktuara, atëherë nuk ka nevojë për ballafaqime me qëllim të prestigjit. (E dyta) Në krahasim me Perëndimin si tërësi, sovjetët edhe më tej janë anë e dobët. Prandaj suksesi i tyre vërtet do të varet nga kohezioni, forca, qëndrueshmëria të cilën bota e Perëndimit mund ta arrijë. Ky ndërkaq, është faktor të cilin ne mund të ndikojmë.

(E treta) Sistemi sovjetik, si formë e sundimit të brendshëm, edhe më tej nuk e ka dëshmuar suksesin e vet. Më vonë do të tregohet, shihet nëse ai mund të mbijetoj provimin më të fundit - bartjen e pushtetit nga një personalitet tek tjetri, përkatësisht nga një grup tek grupi tjetër. Kur kishte vdekur Lenini kishe ndodhur aso bartje e pushtetit sa që pasojat e asaj bartje plot 15 vjet e kanë dridhur shtetin sovjetik. Rasti i tillë i dytë do të ndodhë kur të vdes Stalini, ose kur ai të tërhiqet nga pushteti. Mirëpo, madje as kjo nuk do të jetë provimi përfundimtar dhe vendimtar për sovjetët. Sistemi i brendshëm sovjetik, për shkak të ekspansioneve më të hershme territoriale, do të ekspozohet me një varg sfidash të cilat në kohën e vet ishin dëshmuar, treguar si pengesë e madhe për mbretërinë. Ne këtu, me këtë rast jemi të bindur se masa e popullit rus kurrënjëherë, që nga përfundimi i luftës qytetare, nuk është më e larguar emocionalisht sesa sot nga doktrina e Partisë komuniste. Tani në Rusi, partia është bërë mekanizëm i madh, dhe aktualisht, mekanizëm i suksesshëm i udhëheqjes, administratës diktatoriale, mirëpo ka përfunduar të jetë frymëzim burimor emotiv. Prandaj, nisur nga kjo mund të kuptohet se lëvizja nuk disponon me sigurinë dhe koherencën e brendshme.

(E katërta) E gjithë propaganda

sovjetike jashtë kufijve të sferës sovjetike të sigurisë në themel është negative dhe destruktive. Për këtë shkak relativisht do të ishte dashur të ishte lehtë të luftohet kundër asaj me çfarëdo programi të arsyeshëm dhe vërtet konstruktiv.

Nuk guxojmë t'i frikësohemi Rosisë!

Nga këto arsye mendoj se qetë dhe me optimizëm mund t'i qasemi problemit se si duhet të veprojmë me Rusinë. Lidhur me atë se, çfarë do të duhej të ishte ajo qasje, i kam edhe disa sugjerime, vërejtje të cilat dëshiroj t'i paraqes, parashtroj në përmbyllje:

1. Para së gjithash, duhet të kuptojmë dhe të pranojmë natyrën e vërtet të lëvizjes e të cilën kemi punë. Duhet ta studiojmë me aq seriozitet, objektivisht dhe pa shqetësime, anime, subjektivizëm, dhe me një vendosmëri të tillë të mos i lejojmë që emotivisht të mos na nxis ose të na hedh nga stabiliteti.

2. Duhet të kujdesemi, të bëjmë përpjekje që opinioni ynë ta njeh gjendjen e vërtetë, reale në Rusi. Nuk kam fjalë për të thënë në mënyrë të mjaftueshme se sa është kjo me rëndësi. Këtë nuk mund ta bëjë vet shtypi, por kryesisht dhe në radhë të parë organet shtetërore të cilat janë domosdoshmërisht më me përvojë dhe më mirë të informuar lidhur me problemet përkatëse praktike. Për këtë nuk guxojmë të strukemi para pamjes së shëmtuar. Besoj se sot në vendin tonë do të kishte më pak antisovjetizëm hysterik sikur bota e jonë do të kuptonte më mirë realitetin e asaj gjendje. Nuk ka asgjë aq të rrezikshme ose aq të tmerrshme sikur që është e panjohura. Këtë mund të paraqitet kundërgargumenti, në mënyrë që zbulimi më i madh i vështirësive tona me Rusinë të shoqërohej në marrëdhëniet amerikano - ruse. Mirëpo, konsideroj se nëse në këtë ka ndonjë rrezikshmëri, atëherë ne duhet të kemi guxim, kurajë që të ballafaqohemi me të, dhe atë sa më parë aq më mirë. Mirëpo, megjithatë nuk shoh se mund të ketë rrezik për ne. Kontributi, roli ynë në këtë vend, madje edhe sikur të kishte ardhur pas manifestimeve të mëdha të miqësisë sonë ndaj popullit rus, është shumë i vogël. Ne këtu nuk kemi investime të cilat do të ishte dashur t'i ruanim, nuk kemi këmbim të atillë tregtar, i cili do të do të ishte dashur t'i ruanim, nuk kemi qytetarë të cilët do t'i mbronim, kurse ka pak lidhje kulturele të cilat ishte dashur t'i ruanim. Rreziku ynë i vërtetë qëndronim në atë në çka shpresojmë dhe jo në atë që tani më e kemi, dhe unë besoj se do t'i kemi gjasat më të mira për

realizimin e asaj shprese nëse opinioni ynë do të informohet dhe nëse marrëdhëniet tona me Rusinë vendosen plotësisht në bazat realiste dhe konkrete.

Për rusët, të gjithë të huajt janë armiq potencial!

Komunizmi botëror i përngjan parazitit

3. Shumë varet nga ajo se në çmasë shoqëria e jonë është e shendosh dhe e fortë. Komunizmi botëror i përngjan parazitit i cili ushqehet vetëm me inde të sëmurë. Kjo është pika në të cilën pikëtakohen politika e jashtme dhe e brendshme. Çfarëdo mase e rëndësishme dhe e theksuar e drejtuar në zgjidhjen e problemeve të brendshme të shoqërisë sonë, në ngritjen vetëbesimit, disiplinës, moralit dhe unitetit të popullit tonë, është fitore diplomatike ndaj Moskës, fitore e cila vlen sa mijëra nota diplomatike dhe komunikata të përbashkëta. Nëse ne nuk jemi në gjendje t'i hedhim fatalizmin dhe indiferencën para mangësive, dobësive në shoqërinë tonë, Moska do të trimërohet - Moska në mënyrë të paevitueshme do të shërbehet me të në politikën e saj të jashtme.

4. Ne duhet ta formulojmë një pamje, fotografi të fatit të botës, dhe ta paraqesim para botës, pamje kjo e cila do të jetë shumë më pozitive dhe më konstruktive nga ajo të cilën e kemi paraqitur më herët, më parë. Nuk është e mjaftueshme të nxiten popujt që t'i zhvillojnë proceset politike të ngjashme proceseve tona. Shumë popuj, së paku në Evropë, janë të lodhur dhe të tmerruar me përvojat e të kaluarës prandaj më tepër ju intereson siguria sesa liria abstrakte. Ata më tepër lakmojnë për udhëheqje, sesa për përgjegjësi. Kurse ne duhet të jemi më të aftë se rusët që këtë t'u japim, ofrojmë. Nëse ne këtë nuk ua japim, rusët atëherë këtë e duan plotësisht.

5. Së fundi, ne duhet me guxim dhe me vetëbesim të përmbahemi metodave dhe konceptioneve tona për shoqërinë njerëzore. Nga ana tjetër, rreziku më i madh i cili mund të na kanoset në ballafaqimin me problemin e komunizmit sovjetik qëndron në atë që mund të na ndodhë të bëhemi të njëjtë sikur ata me të cilët po ballafaqohemi.

D. Fragmente nga ShBA-të dhe Rusia (dimër 1946)

Historikisht, veprimtaritë e politikës së jashtme të ShBA-së dhe të Rosisë janë zhvilluar sipas linjave krejtësisht të ndryshme. Marrëdhëniet tona më të rëndësishme me jashtë, thënë historikisht, kanë rrjedhur përmes

linjës së tregtisë paqësore përtej oqeanit. Kjo linjë ka theksuar bazat, themelet e konceptit, opinionit tonë për punët e jashtme. Mirëpo, rusët, gjatë tërë historisë së tyre kanë pasur punë kryesisht me fqinjët e egër, të disponuar armiqësisht. Në mungesë të barrierave, pengesave gjeografike, me qëllim që t'ia dilnin me ata fqinjë, ata ishin detyruar të zhvillonin metodën e llojit të vet (e cila sot është bërë tradicionale dhe automatike) të përparimit dhe të tërheqjes elastike, të mbrojtjes sipas thellësisë, konspiracionit, kujdesit dhe dinakërisë. Historia e tyre di për shumë marrëveshje paqe, armëpushime ndërmjet forcave armiqësore, mirëpo kurrënjëherë nuk e ka ditur, njohur shembullin e paqes, koekzistencës së përhershme midis dy shteteve fqinje në kufijtë e vendosur të cilën pa vërejtje e kanë përkrahur, pranuar të dy popujt. Prandaj rusët nuk kanë kurrfarë paragjykimi për marrëdhëniet e përhershme midis shteteve. Për ata, të gjithë janë të huajt, janë armiq potencial. Metoda e diplomacisë ruse, sikur edhe e diplomacisë së Lindjes në përgjithësi, është e atillë që kundërshtarin e caktuar ta impresionoj duke e frikësuar me forcën ruse, që rrugët dhe mënyrat e zbatimit të asaj fuqie t'i mbështjell me vellon e fshehtësisë, me çka armikun, kundërshtarin e huton, e mban në paqartësi, dhe në këtë mënyrë atë e detyron që ndaj aspiratave dhe pikëpamjeve ruse të sillet me respekt të veçantë dhe me konsideratë. Kjo nuk ka asgjë të përbashkët me kultivimin e marrëdhënieve miqësore, ashtu siç ne i paramendojmë.

Amerikanët mund të shtyhen fare lehtë me rusët

Neve do të na ishte shumë më lehtë që të shtyhem me Rusinë, nëse sinqerisht vet vetit do t'i kishim pranuar faktin se udhëheqësit e saj, sipas aspiratave të tyre, janë armiq të gjithë saj pjesë të botës me të cilin ata nuk sundojnë dhe që sipas, në varësi të atij parimi të pranuar të orientohen, radhiten edhe mendimet dhe aksionet e gjithë organizimit sovjetik. Të kujtojmë edhe faktin se në Bashkimin Sovjetik, vendimet rrallëherë i bien individët. Ato i sjellin, marrin trupat kolektive. Prej atyre trupave kolektive kërkohet që të veprojnë në pajtim me teorinë se bota e jashtme është e predispozuar armiqësisht ndaj Rosisë, dhe nuk është e gatshme për ndonjë akt

dinjitoz dhe jovejtjak ndaj shtetit rus ose popullit rus. Nga kjo del se, asnjë akt i ndonjë qeverie të jashtme nuk mund të pranohet zyrtarisht si akt i vullnetit të mirë. Secili funksionar sovjetik i cili do të vente në pyetje, do ta kontestonte këtë parim dhe që do të përpiquej që në ndonjë organ sovjetik të dëshmoj se si ndonjë vend, shtet i caktuar ka bërë ndonjë gjest miqësor ndaj Bashkimit Sovjetik, dhe se për këtë meriton mirënjohje, do ta kishte rrezikuar postin e tij. Në administratën sovjetike secili, gjithkush duhet të parashoh se qeveritë e jashtme veprojnë vetëm në interesin tyre personal dhe se falënderimi dhe

mirënjohja janë veçori, veti të panjohura në politikën e jashtme. Në këtë mënyrë, aparati i cili i udhëheq punët e jashtme sovjetike është i gatshëm t'i shoh vetëm arsyet e interesave konkrete ruse dhe të reagojë ndaj tyre. Askush në trupat e administratës sovjetike nuk mund të mbrojë kurrfarë propozimi nëse nuk është në gjendje që konkretisht të dëshmojë se çfarë do të fitojnë interesat e Bashkimit Sovjetik nëse aprovet ai propozim ose çfarë do të përjetoj, duroj nëse a propozim hedhet, refuzohet. Ky parim aplikohet me bindjen se ai është objektiv. Me rastin e shqyrtimit të ndonjë qëndrimit të

cilin e ka aprovuar ndonjë shtet i jashtëm, rusët nuk përpiquej që atë qëndrim ta shohin nga pozicioni i palës përkatëse të shtetit. Ata konsiderojnë se ai qëndrim është i diktuar sipas qëllimeve të cilat nuk janë të tyre (pra ruse) dhe i shqyrtojnë, analizojnë vetëm nga pikëpamja e veprimit të tyre mbi ata. Nëse ai vlerësim është i dobishëm, i favorshëm, ata e pranojnë pa falënderim; nëse ai është i pafavorshëm për rusët, ata atëherë e hedhin poshtë pa shprehjen e keqardhjes. Nëse, ne për këtë do të kishim koshient, atëherë sigurisht se edhe vetit por edhe atyre do t'u kishim lehtësuar çështjen.

Si duhet vepruar në marrëdhëniet me rusët?

Në dritën e kësaj që kam thënë deri më tash, do të propozoja që në marrëdhëniet me rusët t'u përmbahemi këtyre parimeve: A. Të mos jemi intím ndaj tyre. Kjo individualisht vetëm se i huton dhe ju thellon dyshimet e tyre. Funksionarëve rus ju gërditet edhe vet ideja, mendimi që para popullit të vet të paraqiten si njerëz të cilët kanë zënë miqësi me ndonjë të huaj. Marrëdhëniet e mira, ata nuk i paramendojnë në këtë mënyrë. B. Të mos paramendojmë, planifikojmë kurrfarë qëllime të përbashkëta me të cilat në

realitet nuk ekzistojnë. Është përpjekje e kotë që rusët t'i shtyjme drejt unitet, pajtimit duke u thirrur në qëllime të përbashkëta të cilat qëllime edhe ne e edhe ata i kemi theksuar me fjalë, siç është fjala vjen forcimi i paqes botërore, ose i demokracisë, ose çfarëdo tjetër që duam. Atëherë kur i kanë theksuar ato qëllime, ata kanë pasur qëllimet e veta. Dhe ata mendojnë se edhe ne i kemi pasur qëllimet e ngjashme. Për ata, e gjithë kjo është një lojë. Dhe kur ne të përpiquejmë që t'u ofrohem me çfarëdo argumenti të mbështetur, bazuar në deklaratat e tilla të përbashkëta, ata atëherë bëhen dyfish më të kujdesshëm.

(Vijon)

Ndarja e Amerikës, mes të shkuarës dhe të ardhmes



Sfida mes së shkuarës dhe së ardhmes është dimension i përgjatë të cilit përballen Kamala Harris dhe Donald Trump, kandidatë demokratë dhe republikanë për presidencën amerikane. Pas largimit të presidentit aktual Joe Biden, i cili pas shumë hezitimesh vendosi të mos kandidojë më, duke lënë të lirë të kandidojë zëvendësen e tij, rolet u ndryshuan. Nëse më parë Biden ishte i moshuari, shprehja e një bote të vjetëruar, sot ky rol i bie Trumpit, i cili është bërë befaz kandidati më i moshuar. Një kontrast, ai është një shtatëdhjetë e tetë vjeçar, ajo është një pesëdhjetë e nëntë vjeçare e shkëlqyer, e cila do të jetë edhe më e pamëshirshme kur të dy do të përballen me njëri-tjetrin në debatin televiziv të 10 shtatorit në rrjetin ABC.

Trump, i vetëdijshëm se sa rëndësi ka pamja, u përpoq në çdo mënyrë për ta shmangur atë: ai e di shumë mirë se imazhi i tij pranë një gruaje më të re, më të bukur dhe më energjike, vetëm dëm mund të bëjë. Edhe më keq, mund ta bëjë atë të duket si ajo çfarë shumëkush e akuzon se është: një plak i zemëruar, arma e të cilit është denigrimi i kundërshtarit dhe i cili, kur përballlet me një grua kompetente, kënaqet duke përdorur mizogjininë. Kandidati për zëvendëspresident i Harris, Tim Walz, guvernator i Minesotës, tha kohët e fundit: "Falënderoj Kamalan sepse ajo solli gëzimin në këtë fushatë". Ai goditi një pikë themelore: me tërheqjen e Bidenit, ajo që ishte një fushatë e përgjumur, e mërëzshme, pa interes, veçanërisht në sytë e më të rinjve, është bërë një fushatë po aq

emocionuese sa një finale olimpikë e 100-metërshit. Gjëja e parë që bëri Kamala Harris ishte ndryshimi i mesazhit: largimi nga fjalimet që e përshkruajnë Trumpin si një rrezik për demokracinë amerikane, dhe përpara me një mesazh që shikon drejt së ardhmes në një mënyrë pozitive. Një nga sloganet e para, i lindur spontanisht gjatë një mitingu, është në fakt "Ne nuk do të kthehemi prapa", duke iu referuar katër viteve të presidencës së Trump. Harris vazhdon ta përsërisë sa herë që i duhet të kundërshtojë idetë e republikanëve mbi temën e abortit dhe riprodhimit të asistuar. Dimension i tjetër në të cilin luhet dueli mes Harris dhe Trump është ai i lirisë, fjalë të cilën zv/presidentja e riktheu sapo mori rolin e kandidatës. Liri për të dashur kë të doni (kundër

atyre që duan të kufizojnë të drejtat e personave LGBTQ+), për të menaxhuar trupin tuaj (kundër atyre që duan të kriminalizojnë abortin), për të bërë zgjedhje për shëndetin tuaj (kundër atyre që duan të heqin riprodhimin e asistuar), por edhe lirinë e nxënësve për të shkuar në shkollë pa frikën e vrasjeve (kundër atyre që duan armë falas). Prandaj, liria bie ndesh me një nga temat më të përdorura nga republikanët në vitet e fundit: frikën. Frika nga ata që janë të ndryshëm (lexo emigrantët), por edhe nga ata që bëjnë zgjedhje të ndryshme, nga ata që zgjedhin të duan dikë që nuk do ta duam kurrë ose të kenë fëmijë në një mënyrë që nuk do ta përdorim kurrë. Harris dhe Walz e kanë të lehtë t'i quajnë Trump dhe JD Vance,

senatorin e Ohajos të emëruar si zëvendës të tij, "ata të çuditshmit". Është një lëvizje komunikimi që po rezulton e suksesshme dhe që duket se e bezdis ish-presidentin sepse e kthen atë në të shkuarën. Por në këtë vend, Trump ka potencialisht një shans: të fitojë mbi amerikanët, të cilët, duke parë vitet e Harris si zëvendëse e Joe Biden, mendojnë: "Por a nuk ishin gjërat më mirë më parë?" Ata janë qytetarë të një Amerike, ndoshta larg qyteteve të mëdha, ndoshta të përjashtuar nga mirëqenia ekonomike, që ndoshta nuk e shohin në modelet e reja të familjes dhe shoqërisë. Amerikanët që kujtojnë, në fakt, një të kaluar në të cilën gjithçka ishte më mirë. Për ta, "Le të mos kthehemi pas" e Kamala Harris, tingëllon si një kërcënim. / bota.al

Super armët e fushëbetejave moderne



Konflikti në Ukrainë është bërë përshpejtuesi më i fortë për inovacionin e luftës çerekshekullin e fundit. Dhe kjo vlen si për industrinë ruse të luftës, ashtu edhe për atë euroatlantike. Po kështu për ato izraelite, kineze, iraniane dhe koreano-veriore.

Lajmet nga kontekste të ndryshme luftarake – nga Deti i Kuq në Detin e Kinës, nga Deti i Zi në Mesdhe – nxjerrin në pah një varësi në rritje të forcave të armatosura bashkëkohore nga makinat e pajisura me Inteligjencë Artificiale (AI), të cilat tashmë kanë “infektuar” botën ushtarake me AI gjeneruese. Për shembull, parashikimi dhe paralajmërimi proaktiv i rreziqeve dhe sistemeve mbrojtëse; analiza e inteligjencës, shënjestrimi dhe logjistika për municionet...

Sigurisht, edhe sot përdorimi i dronëve kamikaze mbetet demonstrimi më evident i rëndësisë së armëve teknologjike në luftë për të marrë një avantazh strategjik: në fakt, përdorimi i sistemeve robotike të pajisura me inteligjencë artificiale ofron avantazhe të shumta duke përfshirë uljen e rreziqeve për personelin, një rritje në efikasitetin operacional dhe aftësinë për të kryer misione në territorin e armikut, me saktësi më të madhe. Në këtë kuptim, një nga simbolet e konfliktit evropian quhet Lyagushka (që do të thotë “bretkocë”), një dron tokësor rus

që përfaqëson një ndryshim të rëndësishëm në strategjitë e miratuara nga forcat e armatosura të Moskës. Aftësia e tij për të depërtuar në linjat e armikut pa u zbuluar dhe mundësia e mbajtjes së ngarkesave të konsiderueshme shpërthyes, po i mundëson Kremlini të dëmtojë llogoret e armikut me efektivitet absolut.

Suksesi i Lyagushkas varet pikërisht nga integrimi i AI dhe robotikës së avancuar, të cilat së bashku lejojnë që objektivi të llogaritet ose rillogaritet në varësi të kontekstit dhe llojit të mbrojtjes me të cilën përballlet. I vënë në punë nga një motor elektrik dhe me aftësi goditjeje të shpejtë, Lyagushka është praktikisht i heshtur, madhësia e vogël dhe diapazoni i veprimit e lejojnë të kontrollohet nga mbi tre kilometra larg.

I aftë për të mbajtur deri në 30 kilogramë eksploziv, mund të përdoret nga një ekip prej tre ushtarësh: gjithçka që nevojitet është një telekomandë dhe syze speciale, të cilat ofrojnë shikim në kohë reale nga një kamerë e montuar në antenën e dronit.

Shtetet e Bashkuara nuk janë prapa rusëve: shpikës si të dronëve, ashtu edhe të inteligjencës artificiale, sot ata janë gati të hedhin në treg avionin e ri pa pilot Switchblade 600, edhe ai i pajisur me AI. Është një armë ajrore 15 kilogramëshe, e pajisur me optikë me precizion të lartë dhe një raketë kundër tanke për

të eliminuar objektivat më rezistente, përfshirë tanket, e vënë në veprim nga toka me një katapultë të thjeshtë. Me një autonomi prej 40 minutash dhe një distancë prej 40 kilometrash, është në të gjitha aspektet një nga dronët kamikaze më premtes që ka Departamenti i Mbrojtjes i Shteteve të Bashkuara.

Megjithatë, siç e pranoi Zëvendës Sekretarja e Mbrojtjes e SHBA-së, Kathleen Hicks, ndërsa merrte pjesë në një konferencë mbi teknologjitë në zhvillim në Uashington, Pekini aktualisht ka një avantazh sasior për sa i përket armatimeve dhe personelit të trajnuar në teknologjitë e reja. Zyrtarja e lartë amerikane deklaroi se, për të ruajtur një diferencë avantazhi ndaj rivalit të vet kryesor, Pentagoni duhet të “shfrytëzojë më mirë” potencialin e AI.

Kërcënimi kryesor që vjen sot nga Kina është padyshim Dongfeng (“Era e Lindjes”), një raketë balistike që mund të lëshohet edhe nga automjetet e lëvizshme dhe është shumë e shpejtë për t’u kapur. Për më tepër, përdoret në tufë për të goditur mbrojtjen e armikut dhe për të penguar interceptimin total. Izraelitët dinë diçka për këtë, teknologjitë e tyre për të përmirësuar regjimen ndaj kërcënimeve (për shembull, përmes analizës së imazheve ajrore për të identifikuar rreziqet) tani janë çështje mbijetese. Për t’iu kundërvënë kërcënimit të Hamasit, Hezbollahut dhe

milicive të tjera pro-iraniane, sistemi më aktiv i mbrojtjes ajrore sot është ende Iron Dome.

Megjithatë, vëmendja po zhvendoset drejt Iron Beam: ndërtuar nga Rafael Industries, ajo premton të revolucionarizojë mbrojtjen raketore izraelite. Dhe ka një avantazh të rëndësishëm: çdo goditje duhet të kushtojë vetëm njëmbëdhjetë euro. Rrezja e Hekurt do të hyjë në veprim në fund të vitit 2025 dhe është në thelb një armë lazer me energji të lartë 100 kW, e aftë për të neutralizuar një gamë të gjerë rreziqesh në distancë, që variojnë nga qindra metra në disa kilometra.

Për shkak se lëviz me shpejtësinë e dritës, ka municion të pakufizuar, nuk ka pothuajse asnjë kosto interceptimi dhe shkakton dëme minimale kolaterale.

Por sistemi i mbrojtjes që konsiderohet të jetë me performancën më të lartë dhe që do të shohim të përdoret në vitet e ardhshme supozohet të jetë DragonFire, një armë lazer me energji të lartë e prodhuar nga partnerët e konsorciumit britanik DragonFire-Mbda-QinetiQ, së bashku me italianen Leonardon, por ende në fazë testimi.

Inovacioni shtyn drejt kontrollit të kostove dhe kjo është arsyeja pse Izraeli sapo ka krijuar një gjeneratë të re raketash më pak të kushtueshme se Storm Shadow ose Tomahawk, por ende me impakt të lartë: Demoni i Erës.

Mund të lëshohet nga çdo platformë ajrore duke qenë në gjendje të ndryshojë llojin e kokës shpërthyes.

Sa i përket sistemeve “inteligjente” për të mbështetur trupat në terren, një i testuar tashmë me sukses (nga forcat e armatosura izraelite) është Alchemist: algoritmi kompjuterik i kësaj makinerie integron të dhënat në një platformë të unifikuar, identifikon objektivat dhe transmeton e njofton menjëherë ushtarët për rreziqe pranë tyre, duke përfshirë lëvizjet e dyshimta në zonën e operacioneve.

Një listë e gjatë e armëve të së ardhmes, por tashmë funksionale. Ashtu si Bayraktar BT2 turk, droni bombardues më i shitur në botë, i kontrolluar nga një person i vetëm. Ose nëndetësja e re bërthamore kineze, muret e jashtme të së cilës të mbuluara me mikrofibra optike lëshojnë impulse lazer që e shtyjnë trupin e saj shumë shpejt, duke e bërë atë jashtëzakonisht të heshtur. Me pak fjalë, inteligjenca artificiale, robotika, llogaritja kuantike, armët hipersonike, energjia e drejtuar dhe teknologjia e fshehtë.

Por lufta kibernetike, sistemet e armëve hapësinore, mjetet tokësore pa pilot (UGV) dhe bioteknologjia janë gjithashtu kufijtë e rinj të industrisë së luftës. / bota.al



SAINT-GOBAIN
SEKURIT
PILKINGTON
Enveri

Adr: Fushë Kosovë
Mob: 044 10 20 10 / 049 145 336
E-mail: euro.glass@live.com





Veton ZYMBERI, redaktor i sportit

FFK-ja ndaloi video-materialet falas, Ademi: Kështu është në gjithë botën



PRISHTINË, 22 GUSHT - Kryetari i Federatës së Futbollit të Kosovës, Agim Ademi, e ka arsyetuar vendimin e fundit të kësaj federate për ndalimin e dhënies pa pagesë të momenteve kryesore të ndeshjeve të Superligës së Kosovës në futboll. Sipas tij, kjo praktikë aplikohet në të gjithë botën, derisa ka shtuar se FFK-së xhirimi i vetëm një ndeshje i kushton deri në 1 800 euro. Ademi për “KosovaPress” ka thënë se shumta e kërkuar nga FFK që këto materiale t’u dërgohen medieve është 115 euro për një ndeshje. “Injorantë që nuk e njohin çështjen ose injorantë që duan të flasin keq për federatën mund të flasin gjithçka. Kjo është në tërë botën e njohur. Ne deri më tani i kemi lënë pa para, jo që nuk kemi dashur t’ua marrim ose nuk kemi dashur ta bëjmë këtë punë,

këto mjete shkojnë të gjitha në klube. Ne këtë vit e kemi një ndryshim tek operatori i blerjes së të drejtave të televizionit dhe sigurisht që ndeshjet ne i organizojmë vetë, i xhirojmë vetë dhe i paguajmë vetë... Neve na kushton 1 500 deri 1 800 një ndeshje për ta xhiruar dhe nëse e shohim se sa kemi kërkuar për t’i mbuluar këto, kemi kërkuar një shumë që çdo televizioni, nëse e përpjesëtojmë me ndeshje, i bie 115 euro për një ndeshje dhe të thuhet nuk i kemi ato mjete është marre”, ka thënë Ademi. Tutje, i pari i FFK-së theksoi se mediet mund të bashkëpunojnë me federatën edhe duke ofruar pajisjet e tyre për xhirimin e ndeshjeve dhe në këmbim do t’i marrin pamjet e ndeshjeve. “Ky është produkt i FFK-së dhe nuk kemi kërkuar

strikt që të na i japin ato para, por pse nuk mund të na i lirojnë për aq para të televizionit, ose me këto kombit e regjisë, të jenë bashkëpunues me ne dhe me ata kombi do ta na xhironin aq lojë sa i bie një kompanie televizive pa para dhe ne ua japim pa para sepse nuk janë para që federata i merr për vete, asnjë cent, po e përsëris, asnjë cent, nga të drejtat televizive dhe nga këto momente më të rëndësishme të ndeshjeve që i kemi bërë dhe marrin kaq bujë, i marrin të gjitha klubet sepse është produkt i klubeve”, theksoi ai. I pari i FFK-së ka bërë me dije se tashmë me disa media është arritur marrëveshja për dhënien e këtyre video materialeve edhe me kushtet e reja të vendosura nga federata.

Kosova U18 mposhtet nga Egjipti

PRISHTINË, 22 GUSHT - Hendbollistet e Kosovës U18 janë mposhtur nga Egjipti në kuadër të garës për plasman (21-24) në Kampionatin Botëror në Chuzhou të Kinës. Të enjten herët në mëngjes, Kosova U18 pësoi me rezultat 29:22. Dallimi u bë në pjesën e parë të cilën Egjipti e fitoi 14:8. Më efikasja te Kosova ishte Arjeta Imeraj me shtatë gola. Gjash të i shënoi Diona Dreshaj, ndërsa me tri gola takimin e përfundoi Orgesa Gola. Pas dy fazave grupore, vashat e Kosovës po garojnë për plasman nga pozitrat prej 21 deri në pozitën e 24-t. Të premtën në mëngjes Kosova U18 luan ndaj Nigerisë për vendin e 23-të. Ndërkohë për vendin e 21-të luajnë Taipei Kinez dhe Egjipti. Ndeshja e sotme me Nigerinë është e fundit për Kosovën në Botërorin në Kinë. Të kujtojmë që për herë të parë një Kombëtare e Kosovës në konkurrencë të sportisteve në sportet ekipore është kualifikuar dhe po paraqitet në Kampionat Botëror.



SHKURT

FIBA: Kosova nga faza e parakualifikimeve evropiane për Botërorin e eSports në Basketboll NBA 2K

FIBA ka komunikuar detajet e fundit të Kampionatit Botëror eFIBA Sezoni i 3-të, ku Kosova do të marrë pjesë për herë të parë. Këtë vit 61 ekipe nga 6 rajone do të jenë pjesëmarrëse dhe do të garojnë për një grupçmimesh prej 50 000 dollarësh. Kosova do t’i fillojë garat online nga faza e parakualifikimeve për rajonin e Evropës. Kjo fazë do të zhvillohet në datat 1-14 tetor 2024. Në rast kualifikimi, ekipi ynë do të marrë pjesë në kualifikueset rajonale, ku do të luftojë për të qenë një nga 8 ekipet finalist në eFIBA World Finals që do të luhen fizikisht (Lan) në dhjetor 2024. FBK do t’ju njoftoj me kohë për të gjitha përgatitjet dhe ecurinë e kësaj iniciative me qëllim të përfaqësimit sa më dinjitoz të ekipit tonë. Federata e Esports e Kosovës është partnere e FBK-së në këtë projekt.

Estonia fiton përballjen ndaj Kosovës

Kosova U16 ka pësuar nga Estonia me rezultat 76:41 (16:10, 14:8, 32:8, 14:15). Kjo sfidë ishte e vlefshme për vendet 17-20 në FIBA U16 Women’s Euro Basket, Divizioni B, që po zhvillohet në Konya të Turqisë. Vashat e Kosovës ishin të barabarta me ato estoneze në fillim të ndeshjes dhe në dhjetë minutat e fundit, por periudha e dytë dhe tretë ishte vendimtare, ku Estonia në fund fitoi 76:41. Klea Gashi shënoi 22 pikë për Kosovën, kurse Gerta Hoti kishte shtatë pikë e dhjetë kërcime. “Dardanet” e reja të premtën do të ndeshen me Zvicrën dhe të shtunën me Luksemburgun në ndeshjet e fundit në këtë garë.

Alonso: Bayerni është favorit për titull

Gjatë konferencës për shtyp në prag të ndeshjes së parë në Bundesliga në mes të Bayer Leverkusenit dhe Borussia Monchengladbachut, trajneri Xabi Alonso ka bërë parashikimin e tij në lidhje me renditjen përfundimtare të kampionatit, duke ia “lënë” titullin Bayernit. Është e qartë se qëllimi i deklaratës ishte ta lironte skuadrën e tij nga ndonjë presion për shkak të fitores së papritur të sezonit të kaluar. “Për mua, Bayerni është favorit, kjo është e qartë. Flasin skuadra dhe historia. Objektivi ynë është të qëndrojmë mes katër të parëve. Është objektiv i realizueshëm. Kemi një skuadër të mirë”, ka thënë Alonso.

Wenbanyama: Jam i shqetësuar për kundërshtarët që do të përballen me mua pas disa vitesh

Paris, 22 gusht - Basketbollisti shtatlartë francez Victor Wenbanyama nuk e ka harruar ende humbjen në finalen e Lojërave Olimpike “Paris 2024”, ku kombëtarja e tij u mund 98-87 nga Amerika. Për 20-vjeçarin,

kjo ishte pjesëmarrja e parë olimpike pas debutimit sezonin e kaluar në NBA me San Antonio Spurs. I gjatë 2.24 metra, ai ka qenë një makth për të gjithë në parket, i jashtëzakonshëm nën tabelë.

“Kujtoj që isha mjaft i trishtuar pasi përfundoi ndeshja, por nga ana tjetër kuptoj se kemi bërë rrugëtimin tonë dhe jemi paraqitur mirë. Falënderoj edhe një herë tifozët që na mbështetën”, ka thënë

Wenbayama. “Në karrierën time përpiqem t’i bëj gjërat pa pasur asnjë keqardhje, ndaj deri më tani nuk kam asnjë të tillë: Si nga sezoni i kaluar në NBA me Spurs ashtu dhe nga Olimpiada. Po mësoj ende, jam i ri.



Schumacher: Formula 1 është prioriteti im, për sa kohë kam një shans do ta pres rikthimin

GENOLIER, 22 GUSHT - Ka vetëm pak vende ende të disponueshme për sezonin 2025 të Formulës 1 dhe shumë pilotë shpresojnë ta marrin “biletën” e tyre për në pistë. Midis tyre, një pilot që ka qenë më parë në Formula 1 dhe dëshiron një shans të dytë, është Mick Schumacher. Emri i tij është lidhur disa herë me Alpine dhe Kick Sauber. Duket se i vetmi opsion i mundshëm është Sauber, ekipi më i dobët këtë sezon në Formula 1, i cili do të bëhet Audi në vitin 2026 dhe mund të krijojë një dyshe tërësisht gjermane Hulkenberg - Schumacher. Për të ardhmen e tij, djali i 7 herë kampionit të botës, Michael Schumacher, u shpreh kështu: “Do të duhet të presim dhe të shohim. Mendoj se gjithçka është shumë e hapur në Formula 1 për momentin. Janë ende tre-katër



skuadra që kanë vende në dispozicion. Mendoj se gjithçka do të mbyllet mjaft shpejt”. “Shumë ekipe nuk kanë presion për të marrë një vendim tani, gjë që gjithashtu më lë pak të varur.

Gjithsesi, Formula 1 do të jetë gjithmonë prioritet në çdo gjë që bëj, kështu që derisa të mbyllet plotësisht për mua, do ta pres dhe do të fokusohem në këtë”, ka shtuar Schumacher.

Verstappeneni kërkon të ringjallet në shtëpinë e tij

AMSTERDAM, 22 GUSHT - Max Verstappen e ka fituar çdo Grand Prix të Holandës nga pole position qëkur gara e tij në shtëpi u kthye në kalendarin e Formulës 1 më 2021, por kampioni i trefishtë i botës i Red Bullit përballlet me një provë të vështirë këtë fundjavë. Në këtë fundjavë do të zhvillohet gara e radhës, por këtë herë 26-vjeçari është në serinë e tij më të gjatë të humbjeve në katër vjet. Mercedesi ka fituar tri nga katër garat e fundit dhe Verstappenin, i cili kryeson me 78 pikë me 10 runde të mbetura, nuk ka qëndruar në krye të podiumit që nga gara e zhvilluar në Spanjë më 23 qershor. Në fakt, ai ka pasur vetëm një dalje në podium që nga ajo kohë. E diela do të jetë fillimi i 200 i Verstappenit në Formula 1, duke e bërë atë pilotin më të ri që ka arritur atë moment historik. “Është gjithmonë një atmosferë fantastike dhe tifozët



janë të jashtëzakonshëm, ndaj është një atmosferë e veçantë për mua”, ka thënë Verstappenin, duke u deklaruar i rifreskuar dhe gati për gjysmën e dytë të sezonit pas

pushimit të gushtit. “Ne po presim me padurim javën në vijim dhe shpresojmë se mund të luftojmë për fitoren”, ka shtuar Verstappenin.

SHKURT

Dybala, afër transferimit në Arabinë Saudite

AS Roma i ka thënë zyrtarisht lamtumirë Paulo Dybalas, i cili pritet të kalojë tek arabët e Al-Qadsiah. Këta të fundit janë gati t’i ofrojnë një kontratë shumë të pasur trevjeçare me vlerë 75 milionë euro në total. “Verdhekuqtë” në listë kanë plot emra që shihen si zëvendësues të Dybalas: Jeremie Boga, Domenico Berardi, Cyril Ngonge, Federico Chiesa dhe Edon Zhegrova.

AstonVilla ‘blindon’ portierin Martinez

Porta e Aston Villas do të mbrohet nga Emiliano Martinez për pesë vitet e ardhshme. Klubi anglez ka njoftuar zgjatjen e bashkëpunimit me kampionin e botës. Argentinasi është pjesë e Aston Villas nga viti 2020, ku u bashkua nga Arsenalin për 17 milionë euro. Nga ajo kohë, Martinezin numëron 160 ndeshje me fanellën e skuadrës nga Birminghami, ndërsa e ka mbajtur portën të paprekur në 54 raste. Kontrata e tij aktuale skadonte në vitin 2027, por palët kanë rënë dakord për ta zgjatur atë deri në verën e vitit 2029.

Felixi pas transferimit te Chelsea: Gjithmonë kam dashur të rikthehem këtu

Joao Felix u rikthye te Chelsea pas negociatave të stërzgjatura me Atletico Madridin. Sulmuesi portugez edhe më parë ka veshur fanellën e gjigantit anglez, ku nga janari i vitit 2023 qëndroi për gjashtë muaj në “Stamford Bridge”. Felix është shprehur shumë i lumtur që është rikthyer në Londër, pasi këtë e kishte në mendje që nga viti i kaluar. “Jam shumë i lumtur që jam kthyer te Chelsea dhe mezi pres të filloj. Mund të shoh disa fytyra të njohura nga hera e fundit që isha këtu, gjë që është gjithmonë e bukur dhe u thashë miqve dhe familjes se do të doja të kthehesha në Ligën Premierë një ditë”, ka thënë Felix. “Ta bësh këtë me Chelsean është një ndjenjë e mrekullueshme dhe jam i emocionuar që jam rikthyer. Tani dua të fitoj me klubin tim të ri”, ka shtuar Felix.

Kalulu largohet nga Milani, paraqitet te Juventusin

Pierre Kalulu është zyrtarisht një futbollist i Juventusit. Mbrojtësi francez i dha fund papritur aventurës së tij te Milani, duke u transferuar te rivalët e kuqezinjve. Pasi kaloi me sukses vizitat mjekësore me bardhezinjtë, ai më pas u prezantua dhe menjëherë do të bashkohet me skuadrën e Thiago Mottës. Juventusin e huazoi atë me të drejtën e blerjes vitin tjetër, teksa tashmë duket se “Zonja e Vjetër” e mbylli me merkaton e saj, ku do të përqendrohet për ta rikthyer titullin kampion të Serisë A në Torino.

Arsenali beson tek Arteta, vazhdimi i kontratës vetëm formalitet

Mikel Arteta së shpejti do ta rinovojë kontratën me Arsenalin. Marrëdhëniet në mes të trajnerit, drejtorit sportiv Edu dhe pronësisë së Kroenke është aq e fortë saqë bisedimet formale nuk konsiderohen të nevojshme.

Disa takime joformale janë zhvilluar tashmë. Bisedimet kanë qenë pozitive dhe ekziston besimi se klubi do të bëhet gjithnjë e më i fortë në vitet në vijim në drejtimin e trajnerit spanjoll. Kontrata e Artetës me

Arsenalin aktualisht skadon në fund të këtij sezoni, por nuk ka asnjë nxitim nga ana e tij apo e klubit për të përfunduar një marrëveshje të re pasi ka përafrim total në vizion. Pra, asnjë presion për t’i detyruar

negociatat, të cilat ndoshta do të përfundojnë kur të përfundojë merkato. Arteta ka thënë se zgjatja e kontratës do të ndodhë në një mënyrë “natyrore”. Vëmendja e tij dhe e drejtorit sportiv Edu për momentin është

kompletimi i skuadrës për të siguruar një fillim të mbarë të sezonit. Mes palëve ka qetësi maksimale dhe nuk ka nxitim për procesin kontraktor, i cili sigurisht do të përfundojë në javët në vijim.



KOMPANIA REGJIONALE E MBETURINAVE "UNITETI" Sh.A MITROVICË

Duke u bazuar në nenin 7 dhe 8 të Ligjit të Punës (Ligji Nr.03L/212) dhe në bazë të Udhëzimit Administrativ MFPT-NR 01/2024, Vendimit të Bordit të datës 06.08.2024 për shpalljen e konkursit, gjendjes momentale dhe nevojave të Kompanisë për plotësimin e vendit të punës me kohë të pacaktuar, K.R.M."Uniteti" Sh.A, vendosi që më datë 23.08.2024 të shpall:

KONKURS

Një (1) Zyrtar/e për mardhënie me publikun dhe me media (zëdhënës i/e Kompanisë)- në Mitrovicë, me kohë të pacaktuar
Numri i referencës: 06-08-52
Përgatitja profesionale: Fakulteti i Gazetarisë
Lartësia e pagës mujore: 450.00 € Bruto

Detyrat dhe përgjegjësitë:

- Përpilon programin e komunikimit me publikun dhe akterët ekonomik dhe social për nevojat e kompanisë dhe klientëve të saj;
- Shërben si kontakt-person përgjegjës që të i informoj me kohë mediat dhe organizatat partnere në lidhje me aktivitetet dhe rezultatet e kompanisë si dhe klientëve;
- Mbanë komunikim të rregullt me partnerët medial ekzistues si dhe të kontribuoj aktivisht në gjetjen e kontakteve të reja me të gjithë gazetarët dhe mediat të cilët kanë për fokus apo trajtojnë çështjet ekonomike;
- Përkujdeset në mënyrë kreative për imazhin e kompanisë;
- Monitoron në baza të rregullta mediat, dhe në përputhje me rrethanat të asistoj, propozojë, koordinoj dhe organizoj aktivitetet e tyre avokuese dhe paraqitjet në media;
- Publikon në baza të rregullta të gjitha informacionet e ndërlidhura me kompaninë dhe klientët në ueb-faqe si dhe i menaxhon mediat sociale;
- Kryen detyra të tjera sipas kërkesave të Kryeshefit Ekzekutiv;

Kriteret e përgjithshme dhe procedurat e vlerësimit:

Eksperiencë në bashkpunim me institucionet publike apo qeveritare si dhe me akterë të shoqërisë civile; I/e aftë të mbajë informatat konfidenciale në mënyrë të përshtatshme; Shkathësi në komunikim, planifikim të punës dhe bashkpunim në ekip; Gatishmëri për punë jashtë orarit.

Të drejtë aplikimi kanë të gjithë të interesuarit të cilët i plotësojnë kriteret e parapara sipas konkursit.
Të punësuarit punësohen për punë me orar të plotë të punës, i cili është 40 orë në javë, me kontratë pune gjashtë (6) muajt e parë do të jetë në punë provuese në kohë të caktuar dhe varësisht nga performanca e të punësuarve dhe nevojave të kompanisë do ti vazhdohet apo përtrihet kontrata e punës).
Procesi i vlerësimit përbëhet nga dy faza: verifikimi paraprak nëse kandidatët i plotësojnë kriteret e parapara sipas konkursit dhe ne bazë të vlerësimit të testimit me shkrim dhe intervistës me gojë.
Kandidatë fitues do të shpallen kandidatët me më së shumti pikë të grumbulluara nga procesi i vlerësimit.
Kalendari i përfatë i procedurës së rekrutimit mund të zgjas apo të jetë më i shkurt, varësisht nga ajo se a është parashtruar ankesë apo jo. Në të gjitha rastet kur parashtrohet ankesë ne çdo fazë të procedurës së rekrutimit, ankesa do të ketë efekt suspensiv, derisa e njehta të shqyrtohet nga Komisioni i Ankesave.

Aplikacionit i duhet bashkangjitur:

- Formulari për aplikim i KRM"Uniteti"Sh.A-Mitrovicë
- Dëshmitë për kualifikimin shkollor (e skanuar),
- CV-ja
- Kopja e leternjoftimit,
- Çertifikatë mjeksore (me rastin e lidhjes së kontratës),
- Kopja e çertifikatës/ekstratit të lindjes.

Afati dhe mënyra e Aplikimit:

Konkursi mbetet i hapur pesëmbëdhjetë (15) ditë kalendrike nga dita e publikimit të të njejtin në gazeta ditore, dhe atë nga data 23.08.2024 deri me 06.09.2024, ora 16:00.
Kandidatët e interesuar, formularin për aplikim mund ta marrin në zyrën e Arkivës të KRM "Uniteti" Sh.A në qytetin e Mitrovicës, në rr: "Vëllëzrit Dragaj" p.n, çdo ditë pune nga ora 08:00 deri në ora 16:00.
Dorëzimi i aplikacionit me të gjithë dokumentacionin e kërkuar në këtë shpallje publike duhet të bëhet vetëm me anë të adresës elektronike si në vijim: krmuniteti@yahoo.com
Vërejtje: Aplikacionet e dorëzuara pas afatit të paraparë nuk pranohen.

NJOFTIM

Njoftojmë të gjithë klientët se Xheladin Zeneli B.I. Blin Market, me seli në Kaçanik, ka marrë vendim të shuajë biznesin me nrb. 811973868 dhe ka caktuar likuidatorin për zhvillimin e procedurës së Likuidimit. Njoftohen të gjithë klientët që kanë raporte Kreditore - Debitorë në këtë korporatë që të paraqiten në afatin 30 ditor nga data e shpalljes në gazetë.

OBAVESTENJE

Obavestavanje se svi klienti Xheladin Zeneli B.I. Blin Market, Kaçanik donelo odluku o prestani rada sa nrb. 811973868 ujedno imenovao Likvidatora o sprovođenju postupka likfidacije. Obavestavaju se svi klienti koji imaju obaveze i potrazivanja u navedenoj firmi, da se jave u roku od 30 dana od dana objavljivanja o novine.

ANNOUNCEMENT

We inform al customers that the limited Xheladin Zeneli B.I. Blin Market with headquarters Kaçanik, has come to the decision to quit its business: 811973868 the company has appointet a liquidator wsho is going to oversee the liquidator process. All clients who have the mortgager – mortgage accounts in this company are kindly request to show up within 30 days starting from the day of newspaper announcement- publication.



REPUBLIKA E KOSOVËS / REPUBLIKA KOSOVA
GJYKATA THEMELORE PRISHTINË

C.nr.3116/2012

GJYKATA THEMELORE NË PRISHTINË - Departamenti i Përgjithshëm, me gjyqtaren Valentina Sopjani, në çështjen juridike të paditësit Ismail Haxholli, të cilën e përfaqësojnë avokatet Ekrem Agushi dhe Selman Bogiqi nga Prishtina, kundër të paditurve Milladinoviq Millosav Jovanoviq nga fshati Orllloviq, tani me adresë të panjohur dhe Halit Sylë Sylejmani nga Prishtina, me objekt kontesti, vërtetimin e pronësisë, duke vendosur lidhur me propozimin e paditësit për caktimin e përfaqësuesit të përkohshëm, jashtë seancës gjyqësore me datë 07.08.2024 mori këtë:

A K T V E N D I M

I. Të paditurit Milladinoviq Millosav Jovanoviq nga fshati Orllloviq, tani me vendbanim të panjohur, i caktohet përfaqësuesi i përkohshëm Arbër Gegaj avokat nga Prishtina, me adresë në Rrugën “Ali Sokoli”, Bll 2, lam 34, Nr.07, i cili ka për obligim që të paditurin në fjalë ta përfaqësoj në procedurën civile në lëndën që udhëhiqet me shenjen C.nr.3116/2012

II. Në kuptim të nenit 82 të Ligjit të Procedurës Kontestimore (LPK), përfaqësuesi i përkohshëm i ka të gjitha të drejtat dhe detyrat e përfaqësuesit ligjor, të cilat i ushtron deri sa të paraqitet në gjykatë e paditura apo përfaqësuesi i tij me prokurë, gjegjësisht deri sa organi i kujdestarisë ta njoftojë gjykatën se e ka caktuar kujdestarin.

III. Ky aktvendim do të shpallet në gazetën zyrtare të Republikës së Kosovës, si dhe në tabelën e shpalljeve të gjykatës.

A r s y e t i m

Paditësi Ismail Haxholli nga fshati Orllloviq, ka ushtruar padi në këtë gjykatë me datë 27.11.2012, kundër të paditurit të paditurve Milladinoviq Millosav Jovanoviq nga fshati Orllloviq, tani me adresë të panjohur dhe Halit Sylë Sylejmani nga Prishtina, me objekt kontesti vërtetimin e pronësisë.

Duke u bazuar në Nenin 7, paragrafi 8 të Ligjit Nr. 08/L-145 për Parandalimin dhe Kontrollin e Integruar të Ndotjes, Ministria e Mjedisit, Planifikimit Hapësinor dhe Infrastrukturës në bashkëpunim me operatorin “Relux” Sh.p.k. për Leje Mjedisore të Integruar, Ndryshim në impiant, fabrikë për prodhimin e ngjyrave, llaqeve, gletit, ngjitësave, fasadave, Llapllasellë, Graçanicë, organizojnë:

DEBAT PUBLIK

Për Aplikacionin për dhënien e Lejes Mjedisore të Integruar

Njoftohet publiku i interesuar se më datë: **11.09.2024, në ora: 10:00, në hapësirat e kompanisë “Relux” SH.P.K., me adersë në Magjistralen Prishtinë-Ferizaj km 6, Llapllasellë , do të organizohet debat publik nga operatori “Relux” Sh.p.k. për Leje Mjedisore të Inegruar, Ndryshim në impiant, fabrikë për prodhimin e ngjyrave, llaqeve, gletit, ngjitësave, fasadave, Llapllasellë, Graçanicë.**

Debati publik do të organizohet për Aplikacionin për dhënien e Lejes Mjedisore të Integruar.

Me respekt,
Ramiz Gashi
Drejtor menaxhues





TRADITË QË NGA 1992







ANNOUNCING THE 2017 QUALITY & SALES AWARDS

Quality & Sales Award Recipients

[Listed in alphabetical order]

- ★ ARC Refreshments Corporation- Antipolo **Philippines**, Quality
- ★ Embotelladora Central S.A **Paraguay**, Quality
- ★ Fabrica de Bebidas Caseosas Salvavidas S.A. **Guatemala**, Quality
- ★ Fluidi Sh.p.k. **Kosovo**, Quality
- ★ Indústria e Comércio de Bebidas Funada Ltda **Brazil**, Quality
- ★ Interbrand S.A.L. **Lebanon**, Sales
- ★ Kofola ČeskoSlovensko a.s. **Czech Republic**, Quality
- ★ Obi Zulol CJSC **Tajikistan**, Quality
- ★ Partex Sales sales Beverages Ltd. **Bangladesh**, Quality
- ★ Soft Drinks Georgia **Georgia**, Sales

